



DEAL
PRA.
ON V.



H. XIII. 13

Lisen
Noro Sachu
937/2





Henrici Nicolai

1. Theologia Epitome.
2. Exercitatio de Methodo Trinitatis.
3. Exerc. de Medio Religioso et Theologico.
4. Ex. de Conciliatione Eucharistiarum.
5. Miscellanea Theologica.
6. Ex. de non liquendo.
7. Henricum defensionem et explicationem.
8. Henricum defensionem et explicationem continuatam.
9. Exercitatio de Athesuro Ethere.
10. Exerc. de Symbolo Athanasii.
11. *Lehrbegriff des Christen im heiligen Salomo W. 4.*
12. Tractatus de Pace, Editio Secunda.
13. Protestatio super nova Editione Tractatus de Pace.
14. Georgii Rhetorici Viduae Re protestatio antecedenti Protestationi opposita.
15. Protestatio defensa.
16. Oratio de Philosophico Studio cum Theologia conjungendo, praemisso Programme.
17. Cursus Philosophicus.
18. Exercitatio de Subiecto et Adjuncto.
19. Exerc. de quatuor diana Telluris Revolutione.
20. Ex. de Apologia Veritate, libaque apud Christianos ratione.
21. Tr. de Novis praedicandis.
22. Tr. de Comparativarum Eucharistiarum expositione.
23. Rotgeri cum Bergen des Laura Ancus sine Epistolum ad Henricum Nicolai.
24. Gottfr. Lameli Hymenaei Tumulus.

2. b. Rotgeri cum Bergen Epistolum ad Henricum Nicolai.

401. 4
D. O. M. A.

DE

MEDIO RELIGI-
OSO ET THEO-
LOGICO,

Hoc est, de mediis inter extremas
in Theologicis sententiis advertendis &
recipiendis, extremis quandoq; caven-
dis & declinandis,

EXERCITATIO PECULIARIS
THEOLOGICA.

*Exemplis ad calcem & quibusdam Philo-
sophicis illustrata.*

AUTHORE

HENRICO NICOLAI,

Theol. & Phil. Professore.

ELBINGÆ,

Literis CORELLIANIS.

Anno à partu Virginis Matris,

M. DC. LIII.

3.

NOBILISSIMO atq; AMPLISSIMO VIRO,
DN. JOHANNI SCHIMELFENGIO,
Inclytæ Reip. Cniphoyianæ apud Regiomontanos Consu-
lari gravissimo: Patrono literarum magnifico: Fautori
multum observando, &c.

S. Et omnigenam felicitatem.

NOvo huic in Theologicis scribendi generi, *Vir Nobilissime,*
Patrone observande, præcipua spiritualium complexo, & extre-
ma in media vocanti, *Nominis tui favorem* prætexere sustinui. Svafo-
rem & tuum, & meum *Admonitum* habere potui: Animum tamen
suggestorem perlenfi. Movit exquisita indolis tuæ modestia, ra-
rum in tuo fastigio decus, quâ modum cum summâ fortunâ in con-
sensum coalescere perfecisti. Non divitiæ inflare animum, non ad-
versa infirmare valent. Utriq; fortunæ parem vultum obvertere,
eruditio, ætas, prudentia, gnarum concinnârunt. Modum in uni-
versis tenere sucto, *Tractatio de modo & medio Theologico servando,*
merito inscribi postulavit. Ostensus in scripto haud displicebit, qui
diu in animo firmatus hæsit. *Aliis* fortè parum ad palatum: *Rigidis*
absurda molitio censebitur. Sanè judicia in liberâ Republicâ libera
relinqui debent. Nam ut vultus ac figuræ hominum divertunt. Sed
iniquas sententiarum detorsiones fugere, litium in immensum tex-
turas rescicare, modum tenentis esse credendû est. Occurrere quan-
doq; medias in extremis sententias, tutius præcoli, extrema relin-
qui, moderato censendum. Omne nimium vitiosum. Cur non sæ-
pè erroneum? Et noxiæ aut frustra in extremis contenditur, cum me-
diis commodioribus in transactum venire datur. Pro modo animi
tui, VIR AMPLISSIME, moderatum scriptum dedignari non pote-
ris. Eò patrociniû sollicitiûs exorare vix debeo. Arrisisse comper-
tum, ulterioribus principium esse poterit. Si frustra rationes jam
mecum deputavi, Conatum juvandi in laude pones, quando effe-
ctum in casu locari necessum erit. Scriptorem ad minimum intra
Cultores tuos admiseris: Tantò fortè viliore scripto TIBI primâ
vice obfusum, quantò tu maximus omniû literarû Patronus constan-
ter degis. Vale, *Vir Nobilissime ac Consuliissime,* & serâ die rebus no-
stris eximere. Elbingæ. Pridiè Cal Majas, Anno Orbis reparati, 1653.

Nobilissimi atq; Amplissimi Nominis Tui

Officiosissimus Cultor,
HENRICUS NICOLAI, Th. & Ph. P.

LECTORI CHRISTIANO ac BENEVOLO

S. Et pacem Christi.

Dum de medio religionum commentor, *Christiane Lector,* te in medio affectuum constitutum exoptem. Nec amore mei, nec odio duci velim. Causas eorum in presenti procul habere debeas. Rem ipsam pensare, semoto in hominem affectu, causas ac momenta rei considerare, iustum memento. Publico religionum usui illaborare commeditor: hiatus committere, affectuum, fidei, rationis iras, Imperium in animam affectantes, tranquillitati inimicas, componere, propius ad verum accedere, ab extremis abscedere, ad media ac tutiora, ubi res ferat, deducere, destinatum mihi. Rectus homo à Creatore conditus; Sed ipse infinitis se immiscuit questionibus, ait *Ecclesiastes C. 7. v. 30.* Reformatione opus esse, nemo cordatior abnuerit. Vota tua meis conjungi æquius fuerit; Non odia moliri, aut obices mediis meditari. *Unicum, & in illis inter præcipua, adductum hic vides; Inter extrema sententiarum medium quandoq; venari, constituere, recipere.* In extremis nimium nos harere, exempla planum reddunt. Medium æquius in multis arripi, hic fidem facere, exemplis monstrare, scopus scripti esse potest. Medio tutissimus ibi: Medium tenuere beati, Poëtarum dicta sunt. Id hic spiritualibus admovere visum. Non falsa pro veris accipere, illis commiscere, specie veri infucare, aut verum falsumq; pariter ponere ac parare, juberis. *Sed in extremis sæpius ad falsum, vacillans, diffusum, declinantibus, medium advertere & obtinere fradeo,* quod veriùs, prudentiùs, commodiùs, illis seligas. Tutissima suggero. Stultum est, ad credendum non solidiora sufficere, sed disputacia. Infrunitis ac calumpniosis fecibus, Atheismos aut Epicureismos crepantibus, te dissimilem esse volo, ne socieris, circumspectè providere. Non, quod verum in Theologicis, tollitur, aut negatur: Sed meliora per media substituantur, quibus tutiùs extremis confidas, & compendiosius circa dogmata in mediis procedas, non in immoderata aut infinita diffundas. *Is hic scopus: Ed parata seges, & tractationis Sylloge attendit.* Extremorum in religione mala, malo cum suo Europa à seculo non uno jam loquitur & gemit. In sectas, factiones, odia, bella, excisiones,

AD LECTOREM,

excisiones, palam decursum est. Id Gallia, Germania, Belgium, Bohemia, Anglia, funestis casibus contestantur. Qui nondum super contritione Joseph ingemiscat, illi robur & æs triplex circa circa pectus fixum oporteat. Serò tamen Phryges sapere ajunt, & nonnisi plagis. Post vastata deplorataq; omnia, de pace tandem cogitatum quibusdam, & provisum. Beata sanè molitio: Etsi post annos 30, satis sera. Sed ultra movere velit DEUS PACIS, ut & in religionis negotio statuatur, quod successum ad pacem speret. Validè enim adhuc in partes & odia, ac audacissimè, procurritur. Qui viam pacis intendunt, aut eò manuducunt, odiis & convitiis plerorumq; subjacere coguntur. Si gladius in manu, haud dubiè in persecutiones furor deverteret. *Savà in seipsam humanà indole, quæ ad similitudinem DEI pacis ficta, discordias tamen ac odia miscere perpetuè præcolit.* Nè alibi ad manum, quod mordeat, in sua ipsius viscera dentes infigere satagit. Adhuc tamen à paucis resistitur, & inter moderata à Principibus, Doctoribus, & pacis quibusdam filiis consistitur. Hic ad pacem medium proponitur, quod usum ferat, LECTOR. Id in *Physicis, Practicis, Medicis, Juridicis*, salutariter arreptum & occupatum, Cur non Theologicis prudenter adhiberi queat, obitare nihil debeat. Admoveri, plurima sint, quæ svadeant. Odia & factiones hominù ut mereatur, ratio nulla sat valida est. Si mens mortalium non læva, non odia aut divortia, sed consensus inde sperari debeant, aut mitigata extremorum. Horsum hic prospicitur & laboratur. *Eventa sæpè ex vitiis, affectibus, sectis, hominum sunt, & DEO Averrunco committenda.* Lege interim nostra hæc, *Christiane Lector*, Cense, & in melius interpretare. Juvare sanè, ac convulsa restituere, intenditur, non quieta convellere. Si non universa salivæ vident, intercurrent tamen, quæ ex usu commodoq; evenire queant. DEUS intellectum instruat, voluntati affectum veri ac pacis inserat, ut omnes, quæ veritatis ac caritatis sunt, in Christo sapere incipiamus. Is pacem suam & dedit suis, & reliquit, cum abitionem ad Patrem è mundanà conversatione paravit, *Ioh. 14.* Cujus paci ac tutelæ resignatus medius & quietus in his vitæ fluctibus persistito. Elbingæ, 30, Aprilis, Anno 1653.

De medio religioso,

Hoc est, medijs inter extremas sententijs ad-
vertendis & recipiendis, extremis quandoq;
cavendis aut declinandis.

EXERCITATIO PECULIARIS.

Magnam partem Theologica.

*Exemplis etiam Philosophicis & Historicis
circa finem illustrata.*

QUod in Conciliationum doctrinâ Logicâ
commoneri solet, ut an inter extrema in-
enunciato proposita medium detur ac repe-
riri queat extremis convenientius, animadverta-
tur, & in conciliandi praxin deducatur, Prout Tract. de
Conciliatione Enunziat. t. 6 10. 17. seq. monebo, Vbi
edendi occasio fuerit: Id in Religionum negotio animadver-
tere & occupare necessarium ac utile esse præsens Tracta-
tio demonstrabit. Nec enim quævis enunciata sine medio
pugnant, ut, Omnes homines sunt docti, & nulli sunt docti,
medium habent, non omnes sunt docti: Et in ipsis Con-
tradictorijs medium nostræ ignorantix & non liquen-
di admittitur, Vt, mundus post annum interibit, & non
interibit, medium est, Totum hoc non liquet, & inter ar-
cana DEI repositum est, t. 57. Prout de Contradictio-
nis naturâ, Oppositione, & Conciliatione Enunzia-
torum.

torum uberiùs deductum. In religionis negotiis quàm salutariter medium suadeatur, teneatur, propugnetur, varia exempla docere queunt: Et Physica, Ethica, Politica, Medica, Juridica exempla ingente copiâ commonstrare possint. Virtutes in medio, vitia in extremis Morales Philosophi collocarunt. In Medicis ubi perfecta sanitas ad spem non est, ad medium inter sanitatem & morbum intenditur & laboratur. In religionum conciliandarum negotio commonitorium hoc salubre esse deprehenditur, ubi vel vitio affectuum, contradicendi studio, vel nimie scrupulositatis, aut thesios retinendæ, aliorumvè intercurrentium, ad extrema quandoq; delapsi sumus, mediiorum incuriosi, quæ utiliùs arripi potuerunt, Ut exemplorum praxis in progressu docebit. Verè autem illud Poëta huc tralatitium facias: Occupat extremum scabies, extrema relinque, Extremis lictis medio tutissimus ibis. Quo de præsens Commentatio argumentum BONO CVM DEO tractatione aliquâ demensum dabit.

2. Exempla negotium in fidem deducunt, & manifestius illis evadet. Prout Tract. de corruptione fidei Christianæ distinctè per locos Theologicos corruptionem delineavi, Et si nondum Tractatio edita: Ita nunc recessum à medio & accessum ad illud eadem methodo strictim delibare utile visum fuit. Omnia enim adducere non necessum est: sed specimen aliquod dare sufficiat, Cum ex uno exemplo ad similia procedere, ac extrema & media observare liceat, quibus excessum sit, & quâ ratione inter excessus medium tutius arripiendum sit. In Loco de Scripturâ in sequentibus excessus ac media notari queant. Scriptura est perfecta in spiritualibus, & non est perfecta, sed

manca

manca &
dium ita
dogmaticis
vitalibus
resistantibus
Est perfect
eâ in necess
aut quant
in eâ reve
obineat,
cidere poss
versiarum
est Index
norma
ram &
sunt, q
non præc
dex anal
Index die
vocari pos
dicu vocab
docet. V
bri corrup
trema. M
rupti: I
alia scripta
Vna enim e
se fundit.
3. Sc
omnibus est

Exercitatio.

3

manca & mutila in illis, extrema sunt. Quae inter medium ita tutius determinabis. Scriptura est perfecta in dogmaticis & necessariis, sed non in omnibus historicis aut ritualibus, Joh. 20. v. 30. C. 21. v. 15. Aut libris adhuc restantibus olim in & sub eâ comprehensis, qui perierunt. Est perfecta Canonice & relativè quoad nos, ut nos ex eâ in necessariis perfici queamus, non Historicè, absolute, aut quantitativè, quasi non plura revelari potuissent, quàm in eâ revelata, aut omnes libros olim in eâ contentos adhuc obtineat, aut omnes in Theologicis rixas & contentiones decidere possit vel debeat. Scriptura est Iudex Controversiarum in spiritualibus, & non Scriptura, sed Papa est Iudex, extrema sunt. Medium, Scriptura propriè norma, ad quam judicatur, Doctores Ecclesiae ad Scripturam & ex eâ judicantes iudices interpretativi & Diaconici sunt, qui partes audiunt, expendunt, discutiunt, definiunt, non præcise Solus Papa: Summus Iudex Spiritus S. est. Iudex analogicus, & secundarius, Vt decretum Principis Iudex dicitur, cum propriè ipse Princeps talis, Scriptura vocari potest, Non univocè & rigidè dictus. Prout vox iudicis vocabulum ex analogia est, ut Hutterus L. C. p. 53. docet. V. de Conciliat. Enunt. t. 17. Sic Canonici libri corrupti sunt, & non corrupti, sed integri sunt, extrema. Medium, in fundamentalibus non sunt corrupti: In secundariis variationem aliquam lectionis, ut & alia scripta, patiuntur, quæ non statim corruptionis nota, Una enim ex illis proba ac legitima est, sensumq; justum de se fundit.

3. Scriptura est obscura in spiritualibus, & in omnibus est clara ac aperta, ut sine speciali illuminatione

Sp. S. sensus ejus satis percipi possit, extrema, & utrinque falsa sunt. Medium inter ea, in fundamentalibus & ad salutem necessariis punctis pio ac attento lectori Christiano satis clara, in secundariis difficilis, sublimis, & sic nobis sæpe obscura esse potest. Scriptura est data, ut sit Canon noster, & non est data, ut sit Canon noster in spiritualibus, sed commonitorium saltem, extrema. Medium, est data, ut Canon sit, sed doctrinae & morum, adeoque doctrinalium punctorum, non autem omnium aliarum materiarum, civilium, Physicarum, Mathematicarum, Historiarum, Politicarum, de quibus sæpe obiter & ad communem sententiam vel apparentiam, non accuratorem, loquitur. *Ut Tract. de terræ motione t. 20. ostensum.* Vnius dicti Scripturæ unicus est tantum sensus. Et unius dicti multiplex est sensus, literalis & spiritualis, proprius & mysticus, primarius & secundarius, extrema. Medium, Vnius dicti uno in loco propositi unus est sensus ex parte dicentis & primarius, ac primam intentione scribentis propositus: Ex parte audientis, aut secundariam intentione arreptus, aut aliquam principalem sensus ad similem & analogicum applicatione, vel typi ad antitypum translatione, duplex esse potest. Scriptura DEI mandato literis est tradita, Et non DEI mandato, sed occasione quadam tradita, extrema. Medium, Scriptura DEI mandato scripta, non externo semper & proprie dicto, sed interno quandoque & analogico, internam inspiratione, tractu, motu, ac pulsu sanctis DEI hominibus divinitus incusso, & incitamenta eò variæ occasiones hominum & circumstantiarum esse potuerunt. Autoritas Scripturæ à DEO, & ab Ecclesiâ dependet, extrema. Medium, Autoritas Scripturæ

ptura in
dependet,
cognoscitur
hic Ecclesiâ
cata & ex
qui ex igno
gnoscere de
Hebræo o
ta ac addi
sunt quant
Scriptura
sionem aut
expressa
perpetuam
contra
Virumque
& qua co
non exere
libri V.
dam Apoc
clesiastico,
recepti sun
mediate ab
form, in C
hoc loco m
possint.

4. In
pla observa
essentia,
dium nosti

Exercitatio.

ptura in sese absolute sumpta à DEO, cuius verbum est, dependet, sed eadem ut nobis innotescit, revelatur, & cognoscitur, etiam ab explicante dependere potest. Qui hic Ecclesia. Quomodo authoritas decreti Principis notificata & explicata etiam ab interprete dependere dici possit, qui ex ignotâ lingvâ in notam sensum ejus auditori aut cognoscere debenti repræsentat. Sic puncta Hebræa textui Hebræo coæva sunt, & non coæva, sed diu post inventa ac addita sunt, extrema. Medium, puncta coæva sunt quantum ad se & substantiam vocalium, quibus nulla Scriptura carere potest, sed non sunt quantum ad expressionem aut figuræ identitatem, quasi semper in textu aperte expressa sint, aut eandem externam notam & characterem perpetuò habuerint ac retinuerint. Mysteria fidei sunt contra rationem, & non sunt contra eam, Medium, Vtrumq; sunt. Contra rationem, hoc est, superant eam, & quâ corrupta ratio est. Non sunt contra eam, hoc est, non evertunt eam, & quâ correctâ ac sana ratio est. Omnes libri V. T. sunt Canonici, & non omnes sunt, sed quidam Apocryphi, Medium, sunt Canonici, sed Canone Ecclesiastico, ad usum fidelium, quo post 5. aut 6. seculum recepti sunt, non divino, ut ipsum DEI Verbum, qui immediate ab eo inspirati essent, ut cæteri. V. Script. Reform. in Conv. Thorun. l. a. 4. Reliqua, quæ in hoc loco moveri queant, ex analogiâ horum determinari possint.

4. In Loco de DEO & Trinitate sequentia exempla observari queant. In Trinitate est unica numero essentia, & non unica, sed tripla est, extrema Medium nostræ ignorantie hic fortasse, & apud simplicem

Christianum vel maxime esse queat, non enim nimis rigide hic definiam, & totum hoc non liquere, sed inter arcanum Caeli repositum esse dici possit. Nec affirmari in hac caligine nimis precise possit, Non enim Scriptura tantam specialitatem sat expresse nobis, sed generalius determinat, nec negari debeat, sed ad beatam DEI in altero seculo visionem reservari possit. Speciales essendi modos hac attingunt, qui sapientius in mysticis non liquet, ut alibi dictum. V. de non liqu. t. 7. 8. Et Meth. Trin. t. 19. Filius DEI eandem numero essentiam cum patre habet, & non eandem, sed diversam numero habet, extrema. Medium, Nemo mortalium sufficienter id nosse aut dicere potest, sed quaedam arcanis DEI committi debeant. Nec tamen eadem essentia negari, nisi ab impudentibus, debeat. Filius DEI est Creator rerum omnium, æq. ac Pater, & filius DEI non Creator, sed instrumentum Creatoris est, extrema. Medium, Creatoris filius est, per quem, non ut per instrumentum, sed ut substantie sue imaginem & characterem coequalem Pater, qui exquisitè Creator rerum est, universa creavit. V. Method. d. Trinit. t. 21. Filius DEI est summus ille DEUS, perinde ut Pater, & est mera per naturam sui Creatura, extrema. Medium, Verus & essentialis DEVS est, Joh. 1. Rom. 9. 1. Joh. 5. Sed unus pater major eo est, quia Pater & principium, etsi in cæteris omnibus filius perfecte ei equalis sit. V. de Comparativ. t. 18. De Conciliat. t. 17. Method. d. Trinitate, t. 20. Inoriginatus ille DEVS, & principium originis nullum agnoscens, Solus Pater in divinis est. Filius DEVS verus, sed de DEO, est. Spiritus S. est persona in DEO, & est accidens in DEO, extrema. Medium.

Medium
gnati sum
vocat, 2.
etor, & q
v. 26. V
tandem de
corrupt. f
strahi quea
a Scriptur
s. Ad
essentia,
affectiones
essentia,
tum in v
ter se di
ter ab es
tale quid
Christi e
Medium
utile ac me
purâ trad
sti DEI e
spatiis infi
est, nec qu
Multipræf
Christi, 8
extrema Re
conformia f
futuram con
quantur, a

Exercitatio.

7

Medium, est pignus & arrha hereditatis nostræ, quâ cōsi-
gnati sumus usq; in diem redemptionis nostræ, ut seipsū
vocat, 2. Cor. 1. & 5. Ephes. 1. & 4. Paracletus, do-
ctor, & qui postulat pro nobis, Joh. 14. 15. 16. Rom. 8.
v. 26. Vbi pios Christianos sistere tutissimum est, etiamsi
tandem de reliquis terminis non ita constare possit. Ut de
corrupt. fidei, t. 6. dicam. A termino personæ hic ab-
strahi queat, quia tricosus, etsi non negari debeat, quia
à Scripturâ insinuatus, Ut in Pentecost. t. 29. dixi.

5. Attributa DEI ipsa DEI essentia sunt, & non
essentia, sed accidentia sunt, extrema. Medium, sunt
affectiones & attributa eminentia essentia, à parte rei ipsa
essentia, sed à parte distincti formalis conceptus, fundamen-
tum in re invenientis, essentia attributa, ratione ab eâ & in-
ter se distincta, non autem accidentia prædicamentalia reali-
ter ab esse diversa, componentia, & finitè ut prædicamen-
tale quid determinantia, Ut dec. 1. Misc. di. 4. docui.
Christi caro est ubiq; & tantum in Cœlo, extrema.
Medium, est, ubi se futuram promisit, instituit, legavit, &
utile ac necesse, finiq; mediatorio conveniens est, & in Scri-
pturâ traditum est. Mediatoria præsentia, quæ Chri-
sti DEI & hominis simul est, ut officialis ipsi, ubiq; in
spatiis infinitis extra mundum nec necessaria, nec promissa
est, nec quod ibi operetur vel administret, habet. V. de
Multipræf. t. 84. 85. Inclusa Cœlo ubietas in carne
Christi, & infinita in omnibus spatiis ubiquetas, duo
extrema Reformatorum & Ubiquistarum Scripturæ non satis
conformia sunt. Medium, mediatoria præsentia, ubi se
futuram condixit, tutissimè hic præfertur. Cætera relin-
quuntur, aut cum Chemnitio, Chytreo, Mentzero,
Heshusio,

Heshusio, Helmstadiensibus, & aliis ad cœlestem Aca-
demiā differuntur, non ultra instituta, promissa, legata,
pacta, extenduntur. In Ecclesiā, Sacramentis, cordibus
fidelium, Ioh. 6. & 14. Christus est, & in medio inimi-
corum dominatur, Psal. 110. & 1. Cor. 15. Vbi nobis
quiescendum est. Datur aliqua ex naturā sine institu-
tione hausta DEI notitia, quæ & ad salutem sufficiat,
& nulla naturalis de DEO notitia datur, extrema sunt. Me-
dium, datur aliqua naturalis notitia de DEO languida &
imperfecta, sed ad salutem insufficiens, & quā solā nullus
unquam salvatus est, V. de Not. nat. C. 1.

6. *Mysterium Trinitatis non sufficienter in sa-
cris est revelatum, sed traditione ad illud opus est, Et
myst. Trinit. ad abundantiam ibi est revelatum, ut nullā tra-
ditione hic opus, extrema. Medium, Myst. Trinit. suffi-
cienter, sed pro fide & ad ejus instructionem, in Sacris
traditum, & ad eam nullā traditione opus: Non autem ita
abundanter ad omnes Scholarum quæstiones & disce-
ptata, quæ illa de eo moverunt, in sacris est revelatum,
quorsum Scriptura non data est, nec dari debuit. Sed
traditione opus, non ad fidem ejus, sed antiquitatis consen-
sum, & dictorum de eo agentium similem cum nostro sensum
& explicationem, ostendendam ac Adversario deducendam.
Trinitas etiam ex Naturā probari potest, Et ex Natu-
rā oppugnari potest, extrema. Medium, non solidè &
plenè ex Naturā probatur, sed obiter, similitudinariè, &
vacillanter, illustrando magis, quàm demonstrando. Nec
solidè ex Naturā oppugnatur, quæ in alieno genere id facere
non debet, & expugnari ex eā non potest. V. d. not. nat.
C. 3. DEUS potest definiri, & nequit definiri, ex-
trema.*

Exercitatio.

9

extrema. Medium, Potest definiri latè, hoc est, qualiter-
eunq; describi, explicari, inadquatè representari: Non
potest strictè, Logicè, per genus & differentiam Logi-
cam, & adquatè ac totaliter exhauriri, ut nihil ejus su-
persit, quod non ab intellectu Logico comprehendatur. Ge-
neratio filii DEI est propria, & Physica, & est tro-
pica ac Metaphorica, extrema. Medium, est eminens
& hyperphysica, non propria, nec impropria, qualis in Na-
turâ obtinet, ut generatio humana propria, muris & rana
à Sole tropica & impropria, sed longè eminentior & trans-
naturalis, propria quidem proprietate Grammaticâ & Rhe-
toricâ, non tropica, non autem proprietate Physicâ, quasi
Physicâ similis sit, sic enim magis analoga, quàm univoca
est. Filius DEI potest dici *αὐτοθεός* & non potest di-
ci, extrema. Medium, Scriptura ita non loquitur, &
significatum vocis *αὐτοθεός* distinguendum, ut absolute sic voca-
ri aut non vocari posse, citra distinctionem nec affirmari, nec
negari possit.

7. In Loco de Christo in sequentibus extremitas
animadverti queat. Christus non est essentialis DEUS,
Vt Photinistæ, nec est essentialis homo, sed phantasticus
tantum, Vt Manichæi, Marcionitæ, Basilidiani, aliiq;
volunt, extrema. Medium, est DEVS & homo simul
in uno supposito composito. Deitas & humanitas invi-
cem confusæ ac commistæ in Christo sunt, ut Euty-
chiani, & ne unitæ quidem & invicem communicantes
sunt, ut Nestoriani volunt, extrema. Medium, Per-
sonaliter ad unum compositum personale constituendum unitæ
sunt, sed nec confusæ, nec commistæ, sed quævis distincta
mansit. Messias nondum venit, sed venturus est, ut
B Iudei,

Iudæi, Et nec venit, nec venturus est, ut Semijudaizantes & Seidelistæ volunt. U. Passional. t. 12. extrema, Medium, Messias jam venit, non autem adhuc venturus, vel nunquam venturus est. Multa dicuntur de Christo toto, quæ secundum nullam partem affirmari possunt, Ut Christus est compositus, Et nihil dicitur de Christo, quod non secundum unam aut alteram, aut utramq; naturam de eo affirmetur, extrema, & indistinctè prolata falsa sunt. Medium, In prædicatis personæ formalibus, aliqua de Christo toto dicuntur, quæ de nullâ parte, ut Christus est persona composita, constat Deitate & humanitate, DEO & homine, subsistit in humanitate & deitate, ex DEO & homine aggregatus est: In materialibus nihil de eo dicitur, quod non secundum aliquam partem verificetur. Ut passus, mortuus, exaltatus est, secundum carnem, infinitus, æternus, Creator rerum est, secundum Deitatem.

8. Naturæ in Christo *πᾶσι κοινῇ* incommunicabiles sunt, & in omnibus etiam in abstracto inter se communicabiles sunt, ut Caro est æterna, infinita, spiritualis, & Deitas est corporea, mortalis, extrema, & utraq; parte falsa sunt. Medium, in quibusdam realiter communicant, in quibus altera natura non evertitur. Ut, Caro Christi est omnipotens, vivifica, omnisca, adoranda. Sed non infinita, æterna, spiritus. Hac enim evertunt eam. Verbum vita visum, auditum, contrectatum, mortuum, passum in carne suâ est. Sed non, Spiritus ut DEVS in Christo, mutatus est in Corpus, infinitum & æternum transiit in finitum & temporarium, Creator conversus est in Creaturam, Spirituale in carnale, immensum in mensurabile, Deitas facta est mortalis, passibilis, corruptibilis, passa, cruci-

fixa.

*fixa, & m
municata
nicata est,
est, Filius
manifestatu
ultimum un
ut mediatu
na per ur
nulla sunt
quorum us
exferit,
neur,
gratiõe
ro deuon
bilis, i
ta, ubi
idioma
sive non
Verbis S
tricrost
siam inve
rem simpl
9.
utramq;
tum tantu
cundum
scitatus,
catum per
crucifigi,
determina*

fixa, & mortua est. Sola hypostasis filii DEI communicata est carni, non sola, sed & natura divina communicata est, extrema. Medium, Verbum Caro factum, est, Filius DEI semen Abrahæ assumpsit, DEVS in carne manifestatus est, & quâ subsistentiam, ut immediatum ac ultimum unionis terminum, & quâ naturam filii ac in filio, ut mediatum & consequentem. Omnia attributa divina per unionem carni Christi sunt communicata, & nulla sunt communicata, extrema. Medium, Quædam, quorum usus & vis in officio mediatorio esse potest, & se exserit, primò sunt communicata, ut inde caro denominetur. Vt omniscia, omnipotens, vivifica, adoranda, gratiosè præsens. Non ita reliqua, ut inde immediatè Caro denominetur, ut infinita, independens, æterna, immutabilis, immortalis, incomprehensibilis, actus purus, increata, ubiq; præsens, simplex, dicatur. Datur communio idiomatum in Christo, non datur: Medium, Sive detur, sive non detur, fides prior istis terminis est, & rem ipsam Verbis Scripturæ simpliciter propositam credit, quicquid de tricostr terminis sit, qui immane Chaos contentionum in Ecclesiam invexerunt. Vt de Corrupt. fid. t. 6. dicam. Scriptura rem simplicius sine talib. terminis Philosophicis proposuit.

9. Christus sedet ad dextram DEI secundum utramq; naturam, & secundum neutram, sed prædicatum tantum personale est, extrema. Medium est, secundum humanitatem sedet, quâ passus, mortuus, resuscitatus, & exaltatus est, ac exaltari potuit, nec prædicatum personæ formale hoc est, sed materiale, ut mori, pari, crucifigi, exinaniri, exaltari, quod ad alterutram naturam determinari potest, t. 7. Conterere caput serpentis,

benedictionem gentibus impetrare, animas salvare, aternam justitiam acquirere in Christo actiones divinae sunt, & contra, actiones humanae sunt, extrema sunt. Medium, accuratè loquendo Deo-humanæ, & homo-divinæ, Deiviriles, & virodivinae, theandrica & antropotheia sunt, Patiendò nempe & moriendo Sathanam conterere, salutem impetrare, justitiam acquirere, quas nec DEV S solus ita efficere, nec solus homo iis subeundis sufficere potuit, ideoq; DEV S homo, & homo Deus simul requisitus, qui id præstaret. Prædicationes personales de Christo sunt verbales, & sunt reales, extrema. Medium, utrumq; sunt. Verbales quâ enuntiandi modum, qui verbis & vocibus absolvatur necesse est. Reales quâ sensum & veritatem, quæ ex re ipsâ sumpta est, non quod verba sine rebus aut veritate subjectâ tantum enuntiat. Sunt essentielles, & accidentales, Medium, sunt paronymæ eminentes & extrapredicamentales, Nec Logicè strictè essentielles, nec accidentales. V. d. mod. prædic. c. 1. t. 27. seq. Prædicatur in illis disparatum de disparato, & non prædicatur, extrema. Medium, prædicatur disparatum, hoc est, quod aliàs verè disparatum in naturâ est, sed hic non sub formali disparati, verum uniti & conjuncti enuntiatur, hoc est, quatenus una natura alteri unita & conjuncta per mirabilem duarum naturarum in unam personam concursum facta est.

10. Christus quâ homo est naturalis DEI filius, & est adoptatus filius, extrema, & ab utraq; parte falsa sunt. Medium, id quâ homo sensum ambiguum habet, & distinctè evolvi oportet, priusquam aliquid affirmetur aut negetur. Reduplicante sensu falsum est, quia homo est, ideo natu-

ralis

ralis DE
personaliter
rum est, se
verum perso
Maria pep
perit aperta
partum &
sum peperit
non speciali
Et dicitur
præcisè, se
dic. 11. v. 3
Et Natal
sepulcro
resurrexi
narrant,
Est alicu
vinitas est
tyciana,
in carne m
Actor. 20.
Spiritu viri
humanitas
quod sensu
nationis, sic
suâ passus es
jectorum præ
Christus in
sed temporar
pœnas nobis

*ralis DEI filius est: Non ob id, sed quod naturali DEI filio
 personaliter unitus sit. Specificante & descripte ve-
 rum est, sed addendum, Est quia homo naturalis DEI filius,
 verum personaliter, non essentialiter. V. Natalit. t. 30.
 Maria peperit Christum clauso manente utero, & pe-
 perit aperto utero, extrema. Medium, Maria virgo ante
 partum & in partu permanens, nulliq; Viro cognita, Chri-
 stum peperit. An aperto, an clauso utero, Evangelistae
 non specialiter exprimunt, adeoq; inter ea, quae satis distin-
 ctè dici non possunt, referri potest. Nec apertio uteri
 praeisè, sed casus & viri cognitio virginitatem tollit. Iu-
 dic. 11. v. 32. Luc. 1. v. 34. V. de esse alicubi, f. 4. t. 89.
 Et Natalit. t. 12. Simile est in hoc, Christus resurrexit
 sepulcro clauso manente, & non clauso, sed reserato
 resurrexit, Medium est, Evangelistae non distinctè id
 narrant, eoq; inter non liquenda referri potest. V. de
 Ess. alicub. c. 1. Sola humanitas Christi est passa, & Di-
 vinitas etiam est passa, extrema, falsa, Nestoriana, Eu-
 tychiana, ac Theopaschitica sunt. Medium, DEVS
 in carne manifestatus secundum eam passus & mortuus est.
 Actor. 20. v. 28. Christus carne passus & mortuus, Sed
 Spiritu vivificatus est, 1. Petr. 3. v. 18. C. 4. v. 1. Sola
 humanitas passa, ut subjectum receptivum passionis, &
 quod sensit eam, Non sola ut appropriativum & denomi-
 nationis, sic enim homo DEVS, & Deus homo in carne
 suâ passus est. Actiones enim & passionis totorum ut sub-
 jectorum propriè sunt, etsi partes inde excludi non debeant.
 Christus infernales poenas sustinuit, & non infernales,
 sed temporales tantum, extrema. Medium, Christus
 poenas nobis debitas sustinuit, sed vincendo & superando, non
 succum-*

succumbendo, desperantium supplicia sustinendo & in se transferendo, non desperando, t. 10. Christus localiter in cœlum ascendit, & illocaliter, successivè & momentaneè, Corporaliter & spiritualiter, Medium, Verumq; dici potest. Localiter & successivè ascendit à terrâ usq; ad nubem, quæ eum à conspectu hominum suscepit, Marc. 16. Luc. 24. Actor. 1. Et hoc voces in N. T. usurpatæ omnino volunt, ut in Pentecostalib. t. 21. docui. Illocaliter & momentaneè, postquam nube receptus, ubi quis in omnibus ascensionis modis specialis fuerit, Scriptura non explicat, & nostrum non omnia scrutari, sed in quibusdam quiescere est, Vt de Corrupt. fidei t. 7. monitum. Christus ut Propheta Solam legem explicavit, Vt Photinistæ, Svencfeldistæ, Arminiani, Et solum Evangelium proposuit, Vt Antinomi volunt, extrema. Medium, & legem & Evangelium simul proposuit ac explicuit, inprimis tamen hoc. Christus est unum per se, & est unum per accidens, Medium, est unum per aliud, mirabilem disparatarum naturarum ad unum suppositum concursum, Cujus simile natura nunquam vidit. Melchisedech Christi typus est Semus, & est ipse Spiritus S. Medium, Est is, quem nos ignorare debemus, quisnam fuerit, adeoq; non curiosius in illum inquirere. V. de non liquend. t. 10.

II. In Loco de lege, Evangelio, peccato, bonis & malis operibus sequens extremitas obseruetur. Lex Naturæ est habitus, & est tantum potentia aut actus, extrema. Medium, Lex Naturæ nihil illorum strictè loquendo est, sed analogiam aliquam ex omnibus istis sustinere potest. Dispositio connata analogicè istis omnibus respondens est. Habitùs, quæ firmiter hæret & promptum

facit.

facit, p
diſtamen i
Opera ger
ſunt oper
trema. M
gelicè nec b
Lex eſt ca
extrema.
vè Cauſe
peccandi p
irritat, F
cauſante
miſtrant
DEUS
extrema
Cauſæ
homo pec
accuratè
cipiendo.
requiritur
latè aut ſi
latio & pa
ve externe
externo ſig
te. V. D
cio poenit
poteſt.
Arma ſum
Marth. 3.
ſit pro gra

Exercitatio.

facit, potentia, quā Naturæ conſciſcitur, actus, quā per dictamen intellectus ſe prodiſ. V. de Not. nat. C. 2. Opera gentilium ad præſcriptum legis Naturæ facta ſunt opera verè bona, & ſunt opera internè mala, extrema. Medium, ſunt indifferentia, Legaliter & Evangelicè nec bona ſatis, nec mala, nec ut talia DEO accepta. Lex eſt cauſa peccati per accidens, & non eſt C. p. acc. extrema. Medium, Eſt cauſa per accid. largè & abuſivè Cauſæ vocem ſumendo pro omni eo, unde alius occaſionem peccandi per accidens rapit, quomodo lex Concupiſcentiam irritat, Rom. 7. v. 8. II. Non eſt propriè & ſtriçtè pro cauſante, influente, aut occaſionem ex ſuâ intentione ſubminſtrante ſumendo. V. de cauſ. p. accid. t. 41. 43. Sic DEUS eſt cauſa peccati per accid. Et non eſt, etiam extrema, inter quæ medium, diſtinguendo terminum Cauſæ. Eſt Cauſa latè & abuſivè vocando id, unde homo peccandi occaſionem per accidens rapit, non propriè & accuratè pro influente, movente, incitante, approbante, accipiendo. Ad legem requiritur promulgatio, & non requiritur, Medium, Utrumq; eſt, prout promulgationem latè aut ſtriçtè ſumas. Requiritur latè, hoc eſt, revelatio & patefactio aliqua, ſive connata, Vt Lex Naturæ, ſive externè poſita, Vt lex humana, Non ſemper ſtriçtè, externo ſigno & iudicio facta, ut voce, ſcripto, ſolemnitate. V. Dec. 3. miſc. d. 4. t. 18. Evangelium eſt concio pœnitentiæ, & non eſt, Medium, Utrumq; dici poteſt. Eſt, ſi latè Evangelium pro totâ Novi Teſt. doctrinâ ſumas, Vbi multas pœnitentiæ Conciones inſpergit, Matth. 3. ſeq. Marc. 1. Luc. 3. ſeq. Non eſt, ſi ſtriçtè pro gratiâ in Chriſto annuntiatione legi & legalibus mo-

nitis contradistinctâ sumas. Sic enim fidem & gratiam prædicat, non pœnitentiam. Et est pœnitentiæ Concio, ut pœnitentia partialiter ac inadequatè pro erectiōe ex fide factâ sumitur. Fides enim in & ex Evangelio est, Non ut totaliter pro contritione & erectiōe simul, t. 19. Sic enim Contritio ex lege propriè est: Vel est pœnitentiæ Concio ut appendicis cujusdam, non autem ut directi objecti, Vt alii putant. Peccatum est realiter positivum quid, & est merè privativum quid, extrema. Medium, Peccatum materialiter positivum quid, in actu, habitu, fomite, dispositione vitiosâ radicum, quæ accidentia: Formaliter & illis contradistinctam privativum quid est, non rigide positivum, quasi realem ac positivam distinctam essentiam, substantialem vel accidentalem habeat, hæc enim omnis à DEO est, & valde bona est, Gen. 1. v. ult. Peccatum autem non, sed aversa est, 1. Joh. 3. v. 4. Quæ formaliter in sese privatio, aberratio, & exorbitatio est.

12. DEUS creavit hominem ad damnationem, & creavit ad salutem, inter extrema esse queant. Medium, Creavit hominem liberum, ut viribus concreatis tam salutem, quam damnationem arripere & comparare posset; Sirac. 15. v. 14. seq. Primâ intentione & ut Pater ad salutem, sed secundâ & ut Iudex, postquam apostatarum prævidit, ad damnationem creasse aliquo modo, sed non satis accurato, dici potest, sub conditione, si nimirum apostataret. Bona opera sunt necessaria ad salutem, & sunt noxia ad eam, extrema. Medium, bona opera nec ad salutem sunt necessaria, nec noxia, sed homini salvando necessaria requisita & conditiones subiecti sunt, sine quibus nemo videbit Dominum, Matt. 7. v. 19. Hebr. 12. v. 14.

Apoc.

Apoc. 21.
ejus cause p
queant, n
bon. oper
hominis le
logica, ext
sed graviss
vires intim
ter corrup
ne Theolog
tes sine b
damnatur
& judici
non liqu
res, &
peccatum
& efficac
peccata,
non vult ea
termination
ratione vult
Renati po
extrema,
ne, sed ne
cant, & n
peccant ex
Jac. 3. v. 2
Qua semen
Renati pec
retinent, &

Exercitatio.

17

Apoc. 21. v. 26. Non ad ipsam salutem præcisè, velut
ejus causæ promerentes, conservantes, aut impetrantes esse
queant, necessaria sunt, Vt Tr. de Sanctification. &
bon. oper. dicetur. Peccatum Originis est accidens
hominis leviculum, & est ipsa substantia hominis Theo-
logica, extrema sunt. Medium, est accidens quidem,
sed gravissimum, tenacissimè inherens, & omnes hominis
vires intimè pervadens, & instar pestis inficiens ac totali-
ter corrumpens, non autem substantia hominis nec Physica,
nec Theologica. Ob solum peccatum originale infan-
tes sine baptismo decedentes damnantur, & non ob id
damnantur, extrema. Medium, totum hoc non liquet,
& judicio DEI committitur. V. t. 18. 48. Et de
non liquendo, t. 9. Peccatum actuale cadit in infan-
tes, & non cadit, extrema. Medium, Procreticum
peccatum non cadit in infantes, etsi actuosum, operosum,
& efficax alias in eos cadat. DEUS vult quædam
peccata, ut pœnas aliorum peccatorum, & DEUS
non vult ea, extrema. Medium, DEUS pœnas & de-
terminationes ad eas in peccatis vult, sed ipsa peccata nullâ
ratione vult aut velle potest. V. d. Caus. p. accid. t. 45.
Renati possunt sine peccato degere, & non possunt,
extrema. Medium, Possunt sine peccato destinata mali-
tia, sed non infirmitatis humanæ degere. Renati pec-
cant, & non peccant, extrema. Medium, Renati
peccant ex infirmitate & ut homines, Rom. 7. v. 14. seq.
Jac. 3. v. 2. Non peccant ex malitiâ & ut renati præcisè,
Quâ semen DEI in illis manet, 1. Joh. 3. v. 9. C. 5. v. 18.
Renati peccatis Sp. S. excutiunt, & non excutiunt, sed
retinent, extrema. Medium, excutiunt ex parte suâ
C & ad

Et ad tempus, non ex parte DEI, qui semel datum perpetuū servare vult, Et semper finaliter, quasi nunquam eum recuperare possint.

13. In Loco de Creatione, angelis bonis & malis, primo homine, libero arbitrio, imagine DEI, sequentia quā nostram materiam notari queant. Mundus potuit creari à DEO ab æterno, & non potuit, medium, totum non liquet, Et utraq; sententia probabiliter teneri potest. Mundus vere conditus, Et autumnus conditus, medium, dici nequit, quale tempus fuerit. Ordinarie nec ver, nec autumnus fuit, non enim aliud tempus præcessit, sed extraordinarium, simul cum rebus divinitus in principio creatis concreatum. Quod an magis veri, an autumnus responderit, dici ita exactè non potest. Analogiam utriusq; in nonnullis obtinuisse non improbabile est. Angeli sunt in loco, & non sunt, medium, sunt in spatio ac ubi suo, quod locus Metaphysicus, sed non Physicus appellari potest. V. de ess. alicubi, s. 2. Tot ordines angelorum dantur, Et non tot, sed plures aut pauciores, medium, totum hoc non liquet, Et tacente Scripturā distinctè dici non potest, frustra q; à nobis curiosius indagatur. V. Michael. t. 54. Plures sunt angeli, quàm homines, Et pauciores, quàm homines, Medium, totum hoc incertum est. V. c. l. Solo numero angeli differunt, Et non solo numero, sed totā specie. Medium, Et hoc satis firmiter constitui non potest. V. c. l. t. 56. Angelus malus diu in sanctitate concreatā persistit, Et non diu persistit, medium, totum hoc incertum est. Angeli primo die Creationis creati, Et non primo die, medium, Et hoc certò dici non potest, sed incognitum est. Plures sunt

sunt angeli
boni, medium
ter ignorat
tum quid
quid nobis in
p. 415.
2. Petr. 3.
14.
naturale,
sensu dici p
turaliter p
pernatur
Et ultra
DEO q
substanti
um, ne
dens mon
cum DE
transforma
steritatem
est, ut M
bensibilis e
man, vol
non omnia
mortalis fuit
tura mori
considerand
imagine di
lute quā bo
mortalis fu

Exercitatio.

19

sunt angeli boni, quàm mali, & plures mali, quàm boni, medium, & hoc dici ab homine non potest, sed inter ignorata referri debet. Cœlum beatorum est creatum quid, & non est, sed increatum, medium, aut aliquid nobis incognitum. V. Hulsem. dial. c. Calixt. t. III, p. 415. Vel adhuc creandum, novum cœlum, Esa. 65, 2. Petr. 3, Apoc. 21. Id. c. l.

14. Imago DEI in primo homine fuit donum, naturale, & fuit supernaturale, medium, Vtrumq; sano sensu dici potest. Naturale, quia nature concreata, & naturaliter per generationem in homine propagari debuit. Supernaturale, quia non è naturalibus principiis ortum duxit, & ultra communem naturam hominem evehere ac perficere, DEOq; similem reddere debuit. Imago DEI fuit ipsa substantia hominis, & fuit accidens leviculum, Medium, nec substantia, nec accid. leviculum fuit, sed accidens momentosum, intima hominis perfectio, exornatio, & cum DEO assimilatio, quo perduto homo in larvam Sathane transformatus est, gratiâ DEI excidit, & se ac totam posteritatem funditus evertit. Imago DEI prorsus nihil est, ut Manichæi, & jam prorsus incognita & incomprehensibilis est, ut Epiphanius, Theodoretus, Guttman, voluerunt, Medium, Aliquid de eâ sciri potest, non omnia. Primus homo naturâ mortalis fuit, & immortalis fuit, medium, Vtrumq; dextro sensu fuit. Naturâ mortalis, naturam animaleam ac corpoream nudam, considerando, Immortalis, eandem totam cum concreatâ imagine divinâ ac peculiari gratiâ DEI spectando. Absolutè quâ homo, mortalis, quâ integer & DEO similis, immortalis fuit. V. dec. 2. Misc. d. 10. t. 15. Paradisus

C 2

adhuc

adhuc in terrâ superest, & non superest, medium, totum hoc incognitum est, & distinctè ab homine dici non potest. Liberum arbitrium adhuc in homine superest, & non superest, sed totum deperditum est, medium, Vtrumq; recto sensu dici potest. Superest in actionibus naturalibus, moralibus, civilibus, artificialibus, & externâ pedagogiâ ad conversionem antecedente, sic potest homo templum adire, verbum audire, meditari, inquirere, legere, temporis aliquid impendere, alios de ejus sensu conferre, malitiosos obices removere, non pertinaciter reluctari, contemnere, irridere; Non malitiosè respuere: Non superest in merè Spiritualibus & supernaturalibus. Vt velle converti, internam mentis immutationem operari, salutariter audire, amplecti, se ad DEVM convertere, se DEO unire, Cor novum & animam novam sibi facere, Cor lapideum eximere, carneum inferere.

15. Libertas arbitrii in DEO est, & non est, medium, utrumq; de DEO dici potest. Est, sed eminentior ac in homine, & cum plenâ perfectione eam considerando, non ut variis infirmitatibus ac defectibus subiacet, ut in homine, Libera nempe actio spontaneo impulsu suscepta. Non est, talis nempe, ut in homine est, quæ discursu nititur, consultationes adhibet, ab objectis externis pender, variis intercurrentibus difficultatibus impeditur, mutatur, evertitur, & eam ad bonum, quàm malum indifferens est. Hoc non in DEO, qui essentialis sanctitas, sapientia, potentia, immutabilitas est, & in bono constans est, & impedimentis averti non potest. Liberum arbitrium rectè dicitur servum, & non rectè ita dicitur, Medium, Vtrumq; sano sensu ita dici potest. Servum est in spiritualibus actibus, ubi

non ligatur
bonum, &
6. v. 17. 2
v. 1. Non
residuum ha
fractam.
aliquid be
DEO est,
Potest velle
requiritur
est, t. 14.
tione, in
boni spiritui
Liberum
tentia, &
dici pote
earum in
& dormie
liberos acti
facultas ad
dicata & su
Adamo integ
pitudo in e
in eo pertine
in quo quosio
16.
fide, Justi
Penitentia
unione, e
Gratia DE

Exercitatio.

21

non ligatum solum & sauciatum, sed prorsus impotens ad bonum, venundatum sub peccato est, Joh. 8. v. 34. Rom. 6. v. 17. 20. C. 7. v. 23. In peccato mortuum, Ephes. 2. v. 1. Non in civilibus ac moralibus, ubi libertatem suam residuam habet, etsi & eam valde peccato corruptam ac infractam. Potest homo non renatus in spiritualibus aliquid boni velle, & non potest velle, sed hoc totum à DEO est, Phil. 2. v. 13. Medium, utrumq; dici potest. Potest velle bonum in externâ pedagogiâ, quæ antecedens & requisitum ad Conversionem, nondum ipsa Conversio ad Deum est, 1. 14. Non potest in ipsâ internâ mentis illuminatione, immutatione, conversione, salutari DEI notitiâ, boni spiritualis operatione, mali abdicatione, & similibus. Liberum arbitr. est actus, & non est, sed habitus, potentia, vis, Medium, Certo sensu ex omnibus istis aliquid dici potest. Actus, quâ vires & exsertio ac exercitium earum in agendo bono aut malo spectantur, quomodo in pueris & dormientibus non esse lib. arb. dicimus, quia non exserunt liberos actus: Potentia ratione sui principii interni, ubi facultas ad agendum & omittendum in voluntate hominis radicata & supermanens est: Et deniq; habitus concreatus in Adamo integro, quâ habitualis ad bonum inclinatio & promptitudo in eo fuit ad consummatum iustitiæ originalis habitum in eo pertinens, In renatis habitus per Christum restauratus, in quo quotidie proficere debeamus.

16. In locis de gratiâ DEI, Prædestinatione, fide, Justificatione, regeneratione, renovatione, Poenitentiâ, bonis operibus, fidelium cum Christo unione, excessus ac media in sequentibus notari queant. Gratia DEI est unica, & est multiplex, Medium, dex-

tro sensu utrumq; est. Unica ratione principii, unde manat, bonitatis divina, quæ in DEO simplex & unica est. Varia ratione objectorum, actionum, agendi modorum, exertionum, effectorum, Circumstantiarum, & similium est. Sic æterna & temporaria, gratis data & gratum faciens, interna & externa, universalis & particularis, ordinaria & extraordinaria, absoluta & ordinata, &c. est. Gratia DEI universalis, & particularis est, Medium, de utroq; aliquid est. Communis & ordinaria universalis est, singularis & extraordinaria particularis. Sic non taliter fecit omni nationi, Psal. 147. v. 20. Christus pro omnibus passus est, & non pro omnibus, sed electis passus est. Medium, pro utrisq; passus est. Pro omnibus communiter & sufficienter, pro electis exquisitè & singulariter, ut mors illa salutaris illis evadat & applicetur. Joh. 10. v. 15. C. 17. v. 19. Tit. 2. v. 14. 1. Tim. 4. v. 10. DEUS vult omnes salvos, & DEUS tantum electos vult salvos, Medium, Utrumq; verum est. Omnes vult salvos voluntate antecedente & generalis beneplaciti, & quæ omnes homines ut peccatores, miseros, ac Creaturas suas respicit: Et vult tantum electos salvos voluntate consequente ac iudicii, quæ multos gratiam suam pertinaciter aspernatos, sicq; eâ se indignos reddituros prævidit, Actor. 13. v. 46. Eosq; justè perdere decrevit.

17. Prædestinatio est absoluta, & non est, medium, sano sensu utrumq; est. Absoluta est, hoc est, non habet causam aliquam extra DEVM ipsum, sed merâ ejus gratiâ nititur, & ratione meritorum nostrorum, quia nullis meritis nostris nixa est, quorum intuitu facta sit, quæ nulla in nobis fuerant, sed meræ DEI gratiæ est, quodd aliquos ad vitam

ad vitam æ
mediorum,
horum in el
spiritus &
qui futuri e
Jac. 2. v. 5
destinavit,
soluta, nu
Ela, ut rig
ac prævisi
lagiani ve
um inter
Fide nem
finaliter
8. Idem
& absolu
dum consi
riones semp
In Ch
medio elect
Eti sumus, i
Ephes. 1. v.
dem, Gal.
sum caput,
damentum e
à DEO elec
Christi ing
ditur, Mer
ac fide veri
Quod nobis

Exercitatio. 23

ad vitam eternam elegerit: Non est ratione ordinis & mediorum, fidei conditionis, respiscencie, quasi DEVS nihil horum in eligendo respexerit. Sic enim in sanctificatione spiritus & fide veritatis nos elegit, 2. Theff. 2. v. 13. Eos, qui futuri erant credere, 1. Tim. 1. v. 16. Divites in fide, Jac. 2. v. 5. Quos enim prescivit DEVS, hos etiam predestinavit, Rom. 8. v. 29. Electio simpliciter est absoluta, nullo intuitu Christi, vel meriti ejus, vel fidei facta, ut rigidiores Reformationum volunt, Et est intuitu ac prævisione nostrorum operum facta, ut vetustiores Pelagiani voluerunt, extrema, & utrinque falsa sunt. Medium inter ea verum, Electio in Christo facta est, Ephes. 1. Fide nempe apprehendendo. Et quos ita prævicit DEVS, finaliter nempe credituros, eos etiam predestinavit, Rom. 8. Idem in hoc est, DEVS absolute quosdam elegit, & absolute quosdam rejecit, Medium, Omnia agit secundum consilium voluntatis sue, Ephes. 1. v. 11. Cujus rationes semper sunt, etsi nobis non semper nota sunt.

In Christo ut capite electi sumus, & in Christo ut medio electi sum. Medium, in Christo fide apprehenso electi sumus, in quo & dilecti, benedicti, ac redempti sumus, Ephes. 1. v. 3. 4. 7. In Christo autem nemo est, nisi per fidem, Gal. 2. v. 20. C. 5. v. 6. Tit. 1. v. 1. Sive jam Christum caput, sive medium, Conditionem, modum, sive fundamentum electionis appellare velis, dum in fide Christi nos à DEO electos esse constitutum sit, sufficit. Meritum Christi ingreditur decretum electionis, & non ingreditur, Medium, Scriptura ita non loquitur, sed in Christo ac fide veritatis nos electos esse ait, Ephes. 1. & 2. Tess. 2. Quod nobis sufficit. Si in Christo electio facta, & intuitus meriti

meriti ejus ab electione non plane excludi poterit. Nam
 & in Christo redemptionem per sanguinem ipsius habemus.
 Ephes. 1. v. 7. Sanguis autem ejus meritoria redemptionis
 nostrae causa est, & sic meritum subinferri possit. Præ-
 destinatio & electio Synonyma sunt, & non sunt, me-
 dium, prout Prædestinationis vocem late vel strictè sumpse-
 ris, sic synonyma esse, & non esse possunt. Late sumen-
 do non sunt, sed Prædestinatio latior est electione, & repro-
 bationem etiam comprehendit, ut Augustinus, Anselmus,
 Fulgentius, Scholastici interdum sumunt, & Scriptura
 inclinatur, Actor. 2. v. 23. Vnde positi quidam in iram, 1.
 Thess. 5. v. 9. Strictè pro prædestinatione ad vitam capien-
 do cum electione Synonymum est.

18. Omnes homines sunt prædestinati, & non
 omnes, sed quidam tantum, Medium, utrumq; dici potest.
 Late prædestinati, hoc est, dilecti à DEO omnes sunt, Joh.
 3. Ephes. 2. v. 4. 1. Tim. 2. v. 4. 2. Petr. 3. v. 9. Strictè,
 hoc est, electi, tantum pauci, Matt. 20. v. 16. Infantes
 ob solum originale peccatum sunt reprobati, & non
 sunt, medium, Totum hoc non liquet, & judicio DEI com-
 mittitur, V. t. 12. Electi gratià DEI penitus excidere
 possunt, & non possunt, Medium, Possunt ad tempus
 excidere, non autem finaliter. Et hoc si non penitus notet,
 non penitus excidunt. Si autem totaliter, pro statu nempe
 præfente, etiam penitus, sed ad tempus, excidere possunt.
 Et electi excidere possunt scilicet ex parte suà, ut homines,
 infirmi, vacillantes: Non ex parte DEI, manum suam sup-
 ponentis, confirmantis, ad gloriam ducentis, Plal. 37. v. 24.
 Prov. 24. v. 16. 1. Cor. 1. v. 8. 1. Petr. 5. v. 10. Phil. 1.
 v. 6. Numerus electorum fatalis est, & non est, Me-
 dium,

Exercitatio.

25

dium. Certus & DEO notus est, non autem absolute fatalis, sed certo ordine divino determinatus, cujus omnia specialia solus DEV S novit. Evangelium toti Orbi annuntiatum est, & non annunt: Medium, In maximâ Orbis parte annuntiatum est, etiamsi non in omnes angulos aut claustra mundi Apostoli devenerint. Dicitur enim toti factum, quod maximâ parti, ut toti communitati ac Reipubl. intimatum, etiamsi uni aut alteri individuo propositum non sit. Et quorsum vox aut pes Apostolorum non venit, fama eorum venit, Ut de Evangelio aliquid gentes in toto Orbe olim perceperint, Rom. I. v. 18. Coloss. I. v. 6. Quomodo solus Paulus totam Asiam & bonam Europæ partem Evangelio replevit, Actor. 19. v. 10. Rom. 15. v. 19. 20. Cur non 12. Apostoli Orbem implere prædicando potuerint?

19. Altera pars pœnitentiæ est fides, & non fides est, Medium, Propriè erectio ex fide facta altera pars pœnitentiæ est, Ut contritione & erectione velut partibus propriis ea absolvatur. Generaliter autem fides pro erectione ex fide factâ dicta est. Quomodo fidem pro ipsâ creditione ex fide factâ dicimus, quæ actus aliquis & exsertio fidei est. Pœnitentia ab externâ pœnâ nomen habet, & ab internâ immutatione mentis nominata est, Medium, ab utraq; nomen habere potest. Primò à mentis immutatione, secundò à pœnâ, quam homo mentem mutans velut de seipso sumit, vel quam Sacerdos in foro exteriori Ecclesiastico imponit, & homo suscipit. Biblico significato mentis immutationem, Ecclesiastico pœnam Sacerdotalem notare potest. Pœnitentia est Sacramentum, & non est, Medium, utrumq; de eâ dici potest. Est largo sensu, quia promissionem gratiæ Evangelicæ singulariter recipit & obsignat:

D

Non

Non est strictè, pro ritu à Christo in N. T. singulariter instituto, gratiam Evangelicam conferente & obsignante. Remissâ culpâ manet pœna temporaria luenda, & non manet, Medium, utrumq; dici potest. Manet pœna, sed largè dicta, id est, castigatio aliqua à DEO ut benigno Patre filiis incussa subeunda, non strictè, hoc est, propriè dicta pœna à DEO, ut irato iudice ac vindice, inflicta. Sic enim erga pios & pœnitentes suos filios DEVS non est animatus. Pœnitentia est in potestate hominis sita, & non est, Medium, utrumq; verè dici potest. Pœnitentia partialiter pro contritione sumpta in manu hominis est, qui conteri & non potest, & ut nondum salutaris est. Sic Iudas, Saul, aliq; contriti, ut ultima sibi inferrent. Totaliter pro contritione & erectione fidei simul sumpta non: fides enim DEI donum & opus est, Joh. 6. v. 29. Coloss. 2. v. 12. 2. Thess. 1. v. 11. Rom. 10. v. 17. Heb. 12. v. 2. Et ut salutaris est pœnitentia. Hac enim divina est, 2. Cor. 7. v. 9. 10. Contritio est actio, & est passio, Medium. Est certo sensu utrumq;. Peccati recordatio, detestatio, iræ DEI contra illud meditatio, actiones: timor, horror, angor iræ DEI & iudicii, compunctio Cordis, passiones sunt. Vnde & passivè de pœnitentiâ Scriptura loquitur, 2. Sam. 24. v. 10. 2. Reg. 22. v. 19. Psalm. 51. v. 19. Psalm. 6. v. 3. Psalm. 102. v. 5. Esai. 66. v. 2.

20. Confessio auricularis est servanda, & est abolenda, Medium, Vtrumq; de eâ dici potest. Servanda, si ut libera ceremonia, ac in congruum finem adhibeatur, nullâ cultus, meriti, aut superstitionis opinione, nec sollicitam omnium peccatorum recensionem, ut necessariam, licita enim esse potest, si semper possibilis, postulet. Abolenda, si

ut

ut absolut
DEVM e
que memo
& non conf
dis, vel c
infantibus
aliquo sens
renovatione
infantibus
18. v. 6. M
cata Corda
muratione
tiam erec
sumptâ n
quiverunt,
Fid

utrumq;
Rom. 4.
Hebr. 11.
um, in ut
Fides imp
verum est
denda sciun
credere pa
velentur,
sciat. Ne
vero, de
distinctè,
Rom. 10.

21.

ut absolutè necessarium quid urgeatur, aut meriti opinio apud DEVM ei affingatur, aut sollicitam omnium peccatorum, quæ memoriæ subeunt, enumerationem necessariò requirat, & non confessum non remissum crepetur, aut alias finibus, modis, vel circumstantiis exorbitet. Pœnitentia etiam infantibus competit, & non competit, Medium, utrumq; aliquo sensu dici potest. Pœnitentia pro regeneratione, renovatione, sanctificatione, aut partialiter pro fide sumpta infantibus baptisatis omninò competit. Credunt enim, Matt. 18. v. 6. Marc. 9 v. 43. 1. Joh. 2. v. 14. Et sic fide purificata Corda eorum, Actor. 15. v. 9. Pro ipsâ internâ immutatione, peccati agnitione, detestatione, fidei per gratiam erectione, ac totaliter pro contritione & erectione simul sumptâ nequaquam. Distinctos enim rationis actus hæc requirunt, qui in infantibus non.

Fides est notitia, & fides est fiducia. Medium, utrumq; est, & ex utroq; in sacris describitur, Joh. 10. v. 38. Rom. 4. v. 18. C. 10. v. 14. 1. Ioh. 2. v. 13. 14. C. 4. v. 16. Hebr. 11. v. i. Est in intellectu, Et est in voluntate, Medium, in utroq; est. Ratione notitiæ in illo, fiduciæ in hac est. Fides implicita datur, & non datur, Medium, utrumq; verum est. Datur, cum non distinctè omnia objecta credenda sciuntur, Virtualiter tamen homo omni DEI Verbo credere paratus est, & sic omnibus objectis, si à DEO revelentur, fidem adhibere velit, etiamsi non omnia distinctè sciat. Non datur, hoc est, ut assentiaris alicui, tanquam vero, de quo nullâ ratione quidquam scias aut audiveris, nec distinctè, nec confusè, nec formaliter, nec virtualiter, Rom. 10. v. 14.

21. Proprium fidei objectum est gratia DEI in Christo

Christo exhibita, & non gratia, sed omne DEI verbum proprium fidei objectum est, Medium, Verumq; fidei objectum est, sed diversimodè spectatæ. Fidei in totâ suâ latitudine & exercitio sumptæ objectum est omne DEI verbum, quod recipit, & cui assentitur, Actor. 24. v. 14. Rom. 10. v. 17. 1. Thess. 1. v. 6. C. 2. v. 13. In justificationis coram DEO negotio proprium ejus objectum Christus nobis natus, passus, & mortuus, & gratia DEI in Christo exhibita est, Actor. 15. v. 11. Rom. 8. v. 32. seq. 1. Cor. 1. v. 23. C. 2. v. 2. seq. Gal. 2. v. 16. 20. 1. Tim. 1. v. 15. 2. Petr. 1. v. 16. seq. Ioh. 3. v. 16. Rom. 3. v. 24. seq. Solâ fide coram DEO justificamur, Non solâ, sed & operibus justificamur, Medium, fide per caritatem operosâ justificamur, Gal. 5. v. 6. Hoc est, per bona opera se exserente & se vivam demonstrante, Iac. 3. v. 14. seq. Non mortuâ & operibus vacuâ. Fidem, quâ justificamur, non solam, sed certo modo instructam, hoc est, operibus fertilem & vivacem esse oportet, Vt id non solâ fide ad descriptionem fidei pertineat, qualis ea esse debeat, non operum in justificando cum fide concursum & cooperationem. Iustitiâ Christi imputatâ justificamur, & iustitiâ infusâ ac sanctitate inherente justificamur, Medium, fides nostra in Christum crucifixum, qui iustitia & propitiatorium nobis à DEO factus est, Rom. 3. v. 25. 1. Cor. 1. v. 30. Nobis reputatur ad iustitiam, Rom. 4. v. 5. Phil. 3. v. 9. Vel iustitia coram DEO seu peccatorum remissio fidei nostræ imputatur, Vt & Abrahamo, Rom. 4. v. 9. 24. Et sic Scriptura loquitur, atq; ita nos justificare, hoc est, peccata nobis remittere DEO complacitum fuit, Rom. 10. v. 3. 1. Cor. 1. v. 21. seq. Sic iustitiâ nobis inherente, & ipsâ essentiali DEI iustitiâ justificamur,

justificamur
reputatur in
li iustitiâ ju
non satisfeci
grime suo
ad iustitiâ de
18. 19. Act
Gal. 3. v. 13
v. 9. Sic
tionis hic f
Emphasis
fundanda e

22.

dium, u
ad modum
ad seum p
plicabilem.
ro matris g
nemo modum
dunt, si cre
Etâ enim fide
est objectu
dium, Vt
& ut DE V
fidei est, H
Pavris, & ut
babet, Ioh.
apud nos agi
tur, Ioh.
C. 14. v. 31

justificamur, extrema sunt. Medium, fides nostra nobis reputatur in justitiam. Nec inherente, nec DEI essentia. li justitiā justī sumus. Christus satisfecit pro nobis, & non satisfecit. Medium, mercatus nos est, & redemit sanguine suo DEO & Patri suo, & animam suam ἀντὶ τοῦ ἀνθρώπου dedit pro multis. Matth. 20. v. 28. 1. Petr. 1. v. 18. 19. Act. 20. v. 28. Rom. 3. v. 25. 1. Cor. 7. v. 23. Gal. 3. v. 13. 2. Petr. 2. v. 1. Hebr. 9. v. 12. seq. Apoc. 5. v. 9. Sic Scriptura loquitur, quicquid de termino satisfactionis hic sit, aut non sit, an adhibeatur, vel non adhibeatur. *Emphasis* Scriptura observanda, & in eā fides Christiana fundanda est.

22. Infantes credunt, infantes non credunt, Medium, utrumq; suo sensu dici potest. Credunt, sed non ad modum adultorum, distinctā ac explicatā notitiā, verum ad suum peculiarem modum DEO cognitum, à nobis non explicabilem. Quomodo ad salutem Mariæ Iohannem in utero matris gaudio exsultantem DEVS fecit, Luc. 1. v. 44. Vt nemo modum aut specialia ejus explicare valeat. Non credunt, si credere ad modum adultorum capiatur, tam distinctā enim fide eos præditos non esse, certum est. Christus est objectum fidei primarium, & est secundarium. Medium, Vtrumq; est. Primarium, ut in se, ratione sui, & ut DEVS spectatur, quomodo inchoator & consummator fidei est, Hebr. 12. v. 2. Secundarium, Vt ratione Patris, & ut homo spectatur, ubi à Patre omnia habet, quæ habet, Ioh. 5. v. 26. Et pro quo Legatum in negotio salutis apud nos agit, ac à quo mandatum accepit, quod exsequatur, Ioh. 7. v. 16. seq. C. 10. v. 18. 29. 36. C. 12. v. 49. C. 14. v. 31. Per quem nos ad Patrem venire, & in eum

credere debemus, Joh. 14. v. 6. 2. Cor. 3. v. 4. 1. Petr. 1. v. 21. Hebr. 7. v. 25. Oboedientia est fidei forma, & non est, Medium, est utrumq;. Est forma, quæ largè obedientia sumitur & forma, fides enim obedientia aliqua est erga DEVM, & sic frequenter in sacris obedientia fidei dicitur, Rom. 1. v. 5. C. 6. v. 17. C. 16. v. 26. C. 15. v. 18. Hebr. 5. v. 9. Et ipsa obedientia vocatur, 2. Cor. 10. v. 5. 1. Petr. 1. v. 2. Ac DEI præcepto obeditur, cum creditur, nam & hoc præceptum ejus est, Joh. 6. v. 40. 1. Joh. 3. v. 23. Non est, si obedientia strictè sumatur, ut opus aliquod ex fide profectum. Sic enim consequens fidei est, non forma, quæ constituens quid rei est. Et sic fidem ac opera Scriptura sæpius disjungit, Rom. 4. v. 5. C. 11. v. 6. Tit. 3. v. 4. 5. Iac. 2. v. 14. seq. Vt incredulitas fons operum malorum, Col. 3. v. 5. seq. Hebr. 3. v. 12. C. 4. v. 2. Sic fides bonorum, Gal. 5. v. 6. Conf. t. 23.

23. Fides potest esse sine bonis operibus, & non potest esse, Medium, utrumq; dici potest. Sine operibus esse potest, quantum ad nudam suam essentiam, quæ non opus aliquod, sed ei contradistinctum est, & sic nudè in sese spectata in illà contradistinctione non potest opus aut cum operibus esse, sed radix eorum est, unde illa manare debent: Et non potest sine illis esse quantum ad vim & effectum, fructum & consequens ejus, quod necessariò opera esse coguntur. Quomodo arbor bona nunquam suo tempore sine fructibus esse potest, etsi in abstractâ suâ essentiâ sine illis cogitari & spectari possit, illisq; contradistinctè spectetur, ut fons & origo fructuum, & fructus, ut effecta ac consequentia ejus. Sic potest separari à Caritate, scilicet per rationem.

tionem, & t
per rem, & in
& realiter ca
te formatur
verso sensu d
latè sumendo
viva ostendi
lac. 2. v. 10.
pro à priori
te, quæ fruct
sentia, notit
quam acciden
aliam forma
ipse ultima
ulteriores f
& fides est
dium, Vt
verans est
dunt & salu
etiam est ren
pua credunt
v. 13. Conf.
alles geglaut
do, t. 34.
etwas nicht
non necessari
Sic de traduc
V. Tr. de n
24. V
ram DEO

Exercitatio.

31

tionem, & præcisivè in seipsâ spectari, & non potest scilicet per rem, & in vigore ac vitâ suâ spectata, Vt viva fides sit, & realiter caritate ejusvè affectu careat. Fides caritate formatur, & non formatur, Medium, utrumq; diverso sensu dici potest. Formatur Caritate, id formari latè sumendo, à posteriori perfici, ut ad hominem vera & viva ostenditur ac demonstratur per caritatem & opera, Iac. 2. v. 10. Non formatur, id formari strictè usurpando, pro à priori & essentialiter constitui. Sic enim non Caritate, quæ fructus & consequens fidei est, sed propriâ suâ essentiali, notitiâ, assensu, & fiduciâ, constituitur: Imò tanquam accidens est ipsa forma & quidditas in seipsâ, Non aliam formam habet, quâ formetur, Quomodo accidentia ipsa ultimata formæ sunt, quibus alia formantur, non ipsa ulteriores formas habent. Fides est electorum propria, & fides etiam renatorum ac ad tempus credentium est, Medium, Utrumq; est. Fides scilicet ad finem usq; perseverans est solum electorum propria, finaliter enim hi credunt & salvantur. Sed fides scilicet ad tempus durans, etiam est renatorum ac temporariorum propria, qui ad tempus credunt, & tempore persecutionis desciscunt, Luc. 8. v. 13. Conf. t. 24. Sic illud Lutheri, Rund vnd rein alles gegläubet / oder nichts gegläubet / V. de Conciliando, t. 34. Medium admittit, oder etwas gegläubet / etwas nicht / V. c. l. t. 35. Necessaria credenda, In non necessariis herere interdum licet, aut in ex eis arripere. Sic de traduce animæ variisq; specialibus quaestis Theologicis. V. Tr. de non liquendo, t. 3. seq.

24. Verbum iustificare in art. justificationis coram DĒO forense significatum habet, & à peccatis absolvere

absolvere notat, & Physicum significatum habet, ac inhaerenter justum & sanctum facere notat, Medium, utrumque notare potest. Sed illud Biblico usu ac significato, ubi in justificationis materiâ peccata remittere, & ab illis absolvere notat: Hoc Ecclesiastico, Patrologico, & Scholastico. V. Augustini. in Psal. 30. Et L. 2. de peccat. mer. C. 33. De Sp. & lit. C. 26. Et Ep. 106. 120. Alibiq. Vox justus interdum inhaerentem justitiam in sacris notat, Luc. 1. v. 6. Rom. 6. v. 18. 19. Sed justificare vix. Solâ fide justificamur, & operibus etiam justificamur, Medium, utrumque verum est. Solâ fide justis, coram DEO & in foro poli. Vbi non operanti, sed credenti, imputatur fides ad justitiam. Rom. 3. 4. 11. Gal. 2. 3. Non solâ, sed & operibus, coram hominibus & in foro soli, ubi ostendenda ac demonstranda est nostra justitia, quod ex fructibus fidei, qui opera, faciendum, Iac. 2. v. 14. seq. V. t. 2). Dispositiones quædam antecedentes ad justificationem requiruntur, sine quibus adultus ordinariè non justificatur, & nullæ requiruntur, Medium, Vtrumque verum esse potest. Dispositiones quædam requiruntur ratione ordinis, quem DEVS in justificando servat, ut de peccato dolere, ab eo abstinere, Deum vindicem ejus censere, Vitam in melius mutare proponere: Sed non requiruntur ratione meriti de congruo aut condigno, quasi justificationem per eas aliquâ ratione mereri possimus, Cum ex merâ DEI gratiâ illa nobis obtingat, non justitiâ aliquâ, quâ DEV S eam conferre teneatur. Quod & quidam Pontificii apertè fatentur, Vt Becanus Enchir. Var. disp. d. 3. & p. 3. Theol. Schol. tr. 1. C. 18. q. 1. Aliq. Conf. t. 26. Peccata in justificando teguntur, & totaliter extinguuntur ac abolentur, Medium, Vtrumque verum.

verum est
riale & in
verum teg
cario est
nitorum,
inprimis &
specialiter
natorum
qui gratia
non inter
v. 29. V.
& passivo
Vtrâq.
mortis,
est, Et
mortuum
Scriptura
5. v. 19.
1. Petr. 2.
25.
non essentia
lis ambigua
quod reale
habes, non
lis, & mini
DEV S in f
16. v. 16. l
modum &
ac modi sit
est, non est

verum est. Reatus peccatorum totaliter aboletur, materiale & impuritas manet, sed per gratiam non imputatur, verum tegitur, Psal. 32. v. 1. 2. Rom. 4. v. 7. Iustificatio est solum electorum, & est etiam aliorum regeneratorum, Medium, Vtrorumque simul est. Electorum, inprimis & tanquam subjectorum exquisitorum, inprimis & specialiter DEO cognitorum ac dilectorum: Aliorum renatorum, ut subjectorum accedentium & secundariorum, qui gratiam ad tempus accipiunt, & postea excutunt, eoque non inter specialiter DEO præsцитos computantur, Rom. 8. v. 29. V. t. 23. Obedientiā Christi activā iustificamur, & passivā seu morte & passione iustificamur, Medium, Vtraque, & sic totā obedientiā Christi, tam vitæ, quam mortis, iustificamur. Ut non sibi, sed nobis natus & datus est, Esa. 9. v. 6. Sic nec sibi, sed nobis sanctē vixit & mortuus est. Vnde & sanctam vitam pro nobis actam docet Scriptura, Joh. 4 v. 34. C. 6. v. 38. 39. C. 17. v. 19. Rom. 5. v. 19. C. 8. v. 3. seq. Gal. 4. v. 4. 5. 6. 1. Cor. 1. v. 30, 1. Petr. 2. v. 21.

25. Unio nostri cum Christo est essentialis, & non essentialis, sed spiritualis, Medium, terminus essentialis ambiguus est. Si essentialis idem ac verum & reale, quod realem & non fictam aut cogitatam tantum essentiam habet, notat, Unio essentialis dici potest. Vera enim, realis, & minimē ficta aut commentitia unio est. Habitat enim DEVS in fidelibus, ut templis suis, 1. Cor. 6. v. 19. 2. Cor. 16. v. 16. 1. eq. Eoque verē illis unitus, Joh. 17. v. 21. Si modum & qualitatem unionis notet, quasi essentialis rationis ac modi sit, quomodo anima suo Corpori essentialiter unita est, non essentialis, sed mystica, spiritualis, & supernaturalis est.

lis est. Ut de Commun. Sanctor. C. 2. t. 26. dicam. Renovatio & regeneratio eadem sunt, & non sunt, Medium, Vtrumq; diverso sensu dici potest. Regeneratio est idem cum renovatione, si illam pro quavis ad bonum immutatione voluntatis sumas, ut interdum sumi solet, & ante certamina Weigeliana, Svencfeldica, ac Fanatica promiscue termini à Theologis usurpati sunt: Non, si strictius illam pro spiritali novæ vitæ conciliatione sumas, quæ è Spiritu Spiritus renascitur, ut Caro è carne corrupta homo natus est, Joh. 3. v. 6. Renovationem autem pro novarum virium infusione, & sanctimonie in hominem inunitione accipias, è quâ deinde sanctæ operationes ut effecta ac consequentia manent. Regeneratio facit arborem viram & rectam, renovationis fructus fundit, & vitam ostendit ac promit. Regenerationis virum, renovatio fructuosum facit. Illa novam Creaturam, 2. Cor. 5. v. 17. Gal. 6. v. 15. Hæc novam culturam facit, quæ in novitate vitæ ambatur, Rom. 6. v. 4. Vnde in spiritu vivere, & ambulare, Scriptura distinguit, ut antecedens & consequens, Gal. 5. v. 24.

26. Infantes sunt regenerati & non sunt, Medium, Vtrumq; iuste asseritur. Sunt è spiritu in spiritum renati, Joh. 3. Vnde salutis participes fiunt, Matth. 18. v. 3. C. 19. v. 13. Non sunt, si regegnus is dicatur, qui opera regeniti præstat, & in novitate vitæ ambulat. Quod infantes per infirmitatem naturæ nondum possunt. Renati implent legem, & non implent, Medium, Vtrumq; verum est. Implent in Christo, qui pro ipsis implevit, & cum quo ipsi per fidem crucifixi, in quâ & vivunt, Gal. 2. v. 19. 20. C. 3. v. 13. Ac quoad inchoatam obedientiam, quam congruè ad legem præstant, ut infirmitates adhaerentes DEVS æquitate Evangelicâ

gelicâ no-
dientia rig-
quiritur.
mini in hac
Sic bona
perfecta, &
fecta Evan-
spectata: i
varia imbo
curationem
& non me-
tur largè
Patres in
tie DEVS
bus mere
mereri p
Luc. 17. v
& divinum
quia in bon
tio. Non q
à DEO in b
ni conferun
DEVS se
quis revoc
27.
Oecumeni
sistica, A
animadver
tus, ut Re
ut tempore

gelicā non imputare velit: Non implent in semetipsis, & obedientiā rigidā, omnibusq; numeris absolutā, qualis à lege requiritur, Ut ne in uno titubent, Jac. 2. v. 10. Hac homini in hac vitā impossibilis est, Rom. 8. v. 3. Iac. 3. v. 2. Sic bona opera renatorum sunt perfecta, & sunt imperfecta, Medium, Vtrumq; diverso sensu dici potest. Perfecta Evangelicē in Christo, & secundum æquitatem aliquam spectata: Non sunt legaliter, prout in ipsis renatis sunt, ubi varia imbecillitas adjacet, & secundum legis rigorem & accuratationem expensa ac judicata. Bona opera merentur, & non merentur, Medium, Vtrumq; dici potest. Merentur largè meritum vocando, pro consequuntur, Quomodo Patres interdum loquuntur: Non merentur strictè, ut vi justitiæ DEVS opera retribuere cogatur. Quomodo in civilibus meremur aliquid. Sic enim apud DEVM homo nihil mereri potest, Cum totus ei ut Creatori jam obligatus sit, Luc. 17. v. 10. V. t. 24. Conversio est opus humanum, & divinum, Medium, Vtrumq; dici potest. Humanum, quia in homine, & pro eo expeditur, Ejus enim est immutatio. Non quòd humanarum virium sit. Divinum, quia à DEO in homine expeditur, & divina vires per eam homini conferuntur, Ut virtute DEI à peccatis resurgat, & ad DEVM se convertat, veluti si à morte in vitam divinā ope quis revocetur.

27. In Locis de Ecclesiā, ejus capite, regimine, Oecumenico Pontifice, Conciliis, Disciplinā Ecclesiasticā, AntiChristo, in sequentibus extrema ac media animadverti queant. Ecclesia est visibilis aliquis coetus, ut Respubl. Veneta, Et Ecclesia etiam est invisibilis, ut tempore Eliæ in Israël, Medium, Ecclesia parum est

visibilis, ratione externa aggregationis, professionis, communionis, & ubi status pacatus ac extra persecutionem est. Partim invisibilis, ratione interna gratia & pietatis, quam DEVS novit, & tempore persecutionum, ubi externi cœtus sæpè disperguntur, ut vix extrâ appareant. Aliquid est visibile in Ecclesiâ, Vt cœtus, ordo, disciplina, administratio, aliquid invisibile, ut gratia, devotio, interna spiritualis communio, Vt utramq; denominationem Ecclesiâ ferre possit. Ecclesiâ est in fide infallibilis, & in fide errare potest. Medium, Vtrumq; distinctis distinguendis de eâ dici potest. Ecclesiâ tota & Catholica ac universalis est infallibilis, & à fide verâ non deficit. Semper enim DEVS hic aliquam Ecclesiâ verè ipsum agnoscentem ac colentem habet, quæ veritatem DEI servet ac defendat. Sed particularis, hæc aut illa, errare potest, & à fide totaliter deficere, ut à verâ in falsam ac hereticam Ecclesiâ degeneret. Catechumeni sunt de Ecclesiâ, & non sunt, Medium, Vtrumq; verum est. Sunt de Ecclesiâ universali & membra, ut credentes. Ecclesiâ autem universalis est cœtus credentium, Ierusalem illa, quæ de sursum, quæ omnium nostrum mater, Gal. 4. v. 26. Non sunt de particulari & visibili aliquo cœtu, in quem nondum actu & solenniter recepti sunt, sed recipiendi. Schismatici sunt membra Ecclesiæ, & non sunt, Medium, malitiosi ex merâ malitiâ ac pertinaciâ Ecclesiæ unitatem rumpentes & turbas cientes non sunt membra: Sed infirmi ex infirmitate errantes, aut scandalis quibusdam commoti, benè membra esse possunt. Tales enim suscipiendi, non efficiendi, Rom. 14. v. 1. seq. Sic qui Pauli, Cephe, Apollo, esse volebant, 1. Cor. 1. v. 12. C. 3. v. 4. Excommunicati sunt membra Ecclesiæ, &

non

non sunt, I
bra vera Ch
à Phariseis
Et viva Ecc

28. I
Ecclesiâ sec
perpetuus C
hic esse que
iure humano
variarum E
glia, unde a
Christi pra
Ecclesiâ p
AntiChristi
ri curat,
doctrinæ,
lam se tale
in Ecclesiâ
pam Anti
& prioribus
AntiChristu
& sincerita
evertere ce
AntiChristu
gestamus,
fidei, t. 3)
AntiChristo
Alii fidem
Vt Saxoni
c. Dilling

non sunt, Medium, Iure excomm. non, sed injustè benè membra veræ Christi Ecclesiæ esse possunt. Sic enim & Apostoli à Phariseis excommunicati. Ioh. 9. v. 22, 34. C. 16. v. 2. Et viva Ecclesiæ membra erant.

28. Papa est Christi in terris vicarius, & caput Ecclesiæ secundarium, & est ipse magnus AntiChristus, ac perpetuus Christi adversarius, extrema sunt. Medium hic esse queat, est Episcopus Romanus, primus in Orbe iure humano, & longi temporis præscriptione, plantator etiam variarum Ecclesiarum in Germaniâ, Galliâ, Hispaniâ, Angliâ, unde aliquam in eas jurisdictionem obtinere potest. Nec Christi præcisè Vicarius, quo Christus non eget, ut ipse suæ Ecclesiæ præsens, Matth. 18. & 28. Nec insignis ille AntiChristus, cum & ipse Evangelium de Christo prædicari curet, etsi non sine corruptione adjacente, nisi impietate, doctrinæ, morum, & persecutione in innoxios Christianos palam se talem gerere & facere velit, ut posterioribus seculis in Ecclesiâ Christianâ factum esse palam est. Nec nos Papam AntiChristum, ut Papam præcisè dicimus, cum & prioribus seculis Papa fuerit, ut Cypriani tempore, nec AntiChristus. Sed ut successu temporum à priscâ veritate, & sinceritate doctrinæ secessit, eamq; horribiliter persequi & evertere cepit, quod ab initio sic non fuit. Sæpè etiam AntiChristum Romæ quærimus, & quem in proprio pectore gestamus, non satis animadvertimus. Ut de corrupt. fidei, t. 19. dicam. Hutterus in hoc dogmate de Papâ AntiChristo Verbum suspicabimur usurpat, L. C. p. 579. b. Alii fidem non salvificam, sed Historicam hoc concernere ajunt, Ut Saxonici apol. c. Forer. C. 86. Carpzovius vindic. c. Dilling. t. 16. 55. Aliiq; Papa est universalis in

fide Iudex, & generalis in fide impostor ac seductor, Medium, Neutrum ex duobus, sed Episcopus sue Urbis, iudex eorum, quæ ad se pertinent, & iudicat, ut alius Ecclesiæ doctor aut Præses de rebus sibi cognitis, V. t. 2. Nec generalis in omnibus iudex, nec præcisè in omnibus seductor, aliquam enim adhuc veritatem fidei retinet, Vt de Trinitate, Christi duabus naturis, Creatione, Providentiâ, mortuorum resurrectione, Christi morte, passione, resurrectione, ascensione, ad iudicium visibili reditu, & similibus. Angeli sunt Ecclesiæ membra, & non sunt, Medium, Certo sensu utrumq; sunt. Sunt membra, si Ecclesiam latè pro quovis D-E-V-M colentium cœtu sumas, si vè ex hominibus, si vè ex spiritibus constet, etiam ut ante lapsum homines extiterunt, & post hanc vitam in cœlo futuri sunt: Non sunt, si strictè pro cœtu hominum in peccata lapsorum, & ad Civitatem DEI vocatorum capias. Sic enim nec per Verbum vocantur, nec prædicatione Verbi egent, nec administratione Sacramentorum utuntur, nec fidem eam in Mediatorem habent, quam nos, V. Michael. t. 63. Nec hic ita in Ecclesiâ militare opus habent, ut homines, nec deniq; à militante in triumphantem transferuntur, ut homines, qui hic militaverunt. Custodes & fautores conjunctissimi illius cœtus, qui Ecclesia dicitur, sunt, non propria membra.

29. Lutherani & Reformati in fundamentalibus dogmatibus uniri, & non uniri possunt. Medium, *Vtrumq;* dici potest. Si certa distinguantur. Possunt uniri, si quedam dogmata omittantur, aut moderatius proponantur, Vt de ubiquestate, absoluto decreto, particulari gratiâ, redemptione, & vocatione, reali Corporis Christi à Cœnâ absentîâ: Non possunt, si extrema utriusq; partis dogma-

Exercitatio.

39

ta rigide teneantur & propugnentur, nihilq; de rigore remittatur. Vtd. Conciliat. c. 4. seq. dicam. Soli electi sunt vera Ecclesiae membra, & non soli, sed & alii renati vera membra sunt, Medium, Vtrumq; dici potest. Sunt membra, nempe principalia & exquisitiora: Non sunt, ut alii penitus inde excludantur. Ecclesia late est cœtus omnium vocatorum: Strictè est cœtus credentium, & DEO verâ fide adherentium; Strictissimè est cœtus solorum electorum, ad finem usq; in fide perseverantium, & salutem certò ac immortè consequentium. Hoc sensu Ecclesiam sumendo soli electi vera ejus membra sunt. Extra Eccles. salus, & non est. Medium, Vtrumq; certò sensu asseri potest. Extra eam, scil. nondum constitutam, ut sub Adamo ac Evâ fuit, qui strictè Ecclesiam nondum fecerunt, sed principium ejus virtuale, Vt de commun: Sanctior. C. 3. c. 6. dictum, salus esse potest, Vt si Adam & Eva in Cœlum translati fuissent, Et si DEVS extraordinariè operari, ac immediatè aliquem illuminare & vocare velit; Non est, ubi nempe Ecclesia jam constituta est, & ordinarius convertendi modus observatur, nihilq; miraculosi à DEO interjicitur. Petrus est fundamentum Ecclesiae, & non est, Medium, distinguendo vocem fundamenti utrumq; dici potest. Est, si fundamentum notet illum, qui in Ecclesia super doctrinâ Christi plantandâ & fundandâ totus occupatur, Quomodo omnes Apostoli fundamenta vocari possunt, Ephes. 2. v. 20. Apocal. 21. v. 14. Non est, si propriè id notet, quod totum Ecclesiae aedificium sustentat, quo stante stat, nutante nutat, ruente corrui. Hoc sensu solus Christus fundamentum, 1. Cor. 3. v. 11.

30. Pontifex R. etiam in temporalibus jurisdictionem.

tionem obtinet. & non obtinet, Medium, distinguantur temporalia & jurisdictiones. & utraq; assertio vera erit. Obtinet jurisdictionem in temporalibus, scil. in terris sibi donatis, aut alias jure acquisitis, & quarum justus possessor ac Dominus est, prout & Episcopi in Germania terras ac ditiones habent, in quibus imperant, & jure humano Principes Imperii Rom. sunt: Sed quam jurisdictionem satius agat, si per alios, quam semetipsum exsequatur: Non obtinet, scil. in terris alienis imperiis subjectis, aut tota mundi hujus Ecclesia, aut omnibus mundi ditionibus & regionibus, ut reges & principes deponere, exautorare, aut ditiones aliis assignare possit: Nec ut immediate eam exsequatur, sed intervenientibus aliis administris. Quomodo Comes aut Nobilis villas habens, si Theologus sit, & Theologicis operari velit, villarum curas ac civilia per alios administrat. Non debent quidem Episcopi negotiis secularibus se implicare, ut placeant ei, Cui se probaverunt, 2. Tim. 2. v. 4. Interim, quia communis mos inter Christianos est, ut Episcopus simul sit Princeps Imperii, ut Germania, Gallia, Hispania, Polonia, exemplis probant, indeq; & jurisdictiones temporales exerceant, non potest soli Papae id in praedictum opprobriari. In Civitate DEI longè aliis moribus vivendum esset. Sed quae mutari non possunt, & in leges velut Imperiorum diuturna consuetudine abierunt, ferri coguntur. Praeses Conciliorum legitimus est Pontifex R. Et non Papa, sed Imperator aut Rex praeses est. Medium, Praeses est Papa, sed usu & praescriptione longi temporis inductus ac factus, & conniventia Regum Christianorum vel adulatione Episcoporum eo proventus, non autem jure divino vel aliis conveniente, eo delatus.

31.
Medium,
rum, modov
rumq; verur
cum, sed i
diuturna al
sint, quae
rebus reli
lare eas de
test, si vi
minus, sat
ultra differ
tica nihil
Photinia
tici volun
aliquid ma
executione
1. Sam. 28.
dum, ut cl
indignum fa
A disciplin
debet, &
Medium,
la, nimia,
2. Cor. 10.
terna, qua
sit, c. 1. Si
Magistratu
tu reus ejic
9. v. 13. 3.

31. Concilium est supra Papam, & infra eum, Medium, est utrumq, prout Circumstantiæ loci, temporum, modorum, personarum, Conciliorum, ditionum, aliarumq, rerum ferre velint. Et Provinciale non erit supra eum, sed infra: Generale esse poterit, nisi præscriptione diuturnâ aliter occupatum fuerit, aut alias Circumstantiæ sint, quæ impediant. Concilium potest decidere de rebus religionis, & Concilium saltem discutere ac ventilare eas debet, Medium, Concilium utrumq, præstare potest, si viris doctis sufficienter instructum sit. Sed si id minus, satius ventilare ac discutere erit, & decisionem ultra differre, quàm præcipitare. In disciplinâ Ecclesiasticâ nihil committendum est Magistratui Politico, ut Photiniani, & omnia illi committenda, Vt PseudoPolitici volunt, extrema & falsa sunt. Medium verum, aliquid magistratui, quoad exterioris fori & civilis pœnæ aut executionem spectans, Quomodo Saul ariolos ditione pepulit, 1. Sam. 28. v. 9. Aliquid Ecclesiasticis personis committendum, ut clavem ligantem adhibere, communionis usu arcere, indignum sacris judicare, spiritualiter excommunicare. Sic. A disciplinâ Ecclesiasticâ omnis vis coactiva abesse debet, & nulla ab eâ abesse debet, extrema & falsa sunt. Medium, aliqua vis coactiva abesse, ut Carnalis, violenta, nimia, tyrannica, non enim arma Ecclesiæ carnalia sunt, 2. Cor. 10. v. 4. Aliqua adesse debet, ut spiritualis & interna, quæ valida, & ad eversionem munitionum sufficiens sit, c. l. Sic cogere ingredi, Luc. 14. v. 23. Et competens Magistratus externæ coërcentis vis, quâ abscindatur, & è cœtu reus ejiciatur ac expurgetur, Gal. 5. v. 10, 12. 1. Cor. 5. v. 13. 3. Joh. v. 10.

32. Disciplina Ecclesiastica consistit in voluntaria subductione ab inordinato homine, & consistit in ejectione inordinati à cœtu. Medium, in utroq; consistit, unde utroq; modo de eo Scriptura loquitur, Et se subducere, Rom. 16. v. 17. 2. Thess. 3. v. 6. Et à se repellere, 1. Cor. 5. Gal. 5. c. 1. Presbyterium Ecclesiasticis & Politicis constans inventum merè humanum est, & constitutio divina est, Medium, aliquid de humano & divino participat. Iam Apostoli simile quid constituerunt, Actor. 6. v. 2. seq. 1. Tim. 5. v. 17. Inde origo rei divina est, est formale & constitutio ipsa ab homine esse possit. Sic magistratus origine divinus, Rom. 13. v. 1. 2. Etsi electio aut constitutio ab homine sit, 1. Petr. 2. v. 13. Quanquam & hoc in loco omnis homo vel Creatura humana intelligi possit, quæ jus in alium habeat, sive Magistratus, sive quisvis alius superior sit, ut seniores, parentes, praeceptores. Excommunicatio justè in N. T. retinetur, & inventio humana, noxia, ac Caritatis præcepto in N. T. contraria est, Medium, Excomm. in extremâ necessitate in notorios, publicos, ac præfractos peccatores justè exercetur, Vbi frustra antea omnia tentata sunt, quæ regali caritatis lege, Jac. 2. v. 8. tentari potuerunt & debuerunt. Excommunicatio separat hominem à DEO, & separatum esse tantum declarat, Medium, Primò seipsum peccator à DEO separat, & unionem cum DEO solvit, Esai. 59. v. 2. 1. Joh. 1. v. 6. C. 3. v. 8. Et hoc non facit excomm: sed peccatum enorme proprium: Secundò & per excomm. separatur, peccata ejus retinentur, Matth. 16. v. 19. Satana traditur, 1. Cor. 5. v. 5. Ab audiendo DEI verbo, sigillorum usu, Sanctorum communione & cœtu arcetur, quod etiam à DEO separari est, sed

sed secunda
velata file
trumq; pro
revelationis
nihil alteri p
perniciem v
um occidere
mo, qui con
33. I
stratu, C
rema & m
est distinct
dium, I
constituta
habeat, &
Vbi Eccles
cet, ubi ciu
strare ei, 1
C. II. v. 19.
los ordinis
fidelium trib
agere licet.
fastico, Tar
Scripturis u
Actor, 1. v
eo obtinente
solis Episc
tui Politico
quæ id per
ferit, quan

sed secundarium. Peccata ministro in Confessione revelata filere oportet, & revelare licet, Medium, Vtrumq; pro diversitate Circumstantiarum & peccatorum, ac revelationis qualitate licet. Silenda sunt, si privata, & nulli alteri peccata noxia sint. Revelanda, si in aliorum perniciem vergant, ut urbem prodere, Magistratum aut alium occidere, venena spargere, ignes immittere: Sed ut homo, qui confessus est, non retegatur.

33. In Locis de statibus, ut Ministerio, Magistratu, Conjugio, Clericis, Laicis, sequentia quæ extrema & media annotari queant. Ad ministerium opus est distinctâ hominis vocatione, & non opus est, Medium, Vtrumq; verum esse potest. Opus est, ubi Ecclesia constituta est, & vocans haberi potest, qui jus Patronatus habeat, & exerceat. Non opus est in extremâ necessitate, Vbi Ecclesia primum colligenda est, & nullus est, qui vocet, ubi citra vocationem predicare & Sacramenta administrare ei, qui se idoneum sentit, licet. V. Actor. 8. v. 4. C. II. v. 19. C. 18. v. 24. Conf. t. 37. Vox Cleri ad solos ordinis sacri homines determinanda, & toti populo fidelium tribuenda, Medium, Distincto vocis sensu utrumq; agere licet. Solis spiritualibus tribuenda usu vocis Ecclesiastico, Patribus usitato, & sensu aliquo exquisitiore, etiam Scripturis usitato, quæ cleri vocem ad eos etiam determinant, Actor. 1. v. 17. Toti Ecclesiæ usu Biblico & communiter in eo obtinente, Col. 1. v. 12. 1. Petr. 5. v. 3. Jus vocandi solis Episcopis & Prælati competit, & soli Magistratui Politico competit, Medium, Toti Ecclesiæ competit, quæ id per primores, delegatos, & magistratus quandoq; exserit, quandoq; per seipsam totam exsequitur. Omnium

quod est, ab omnibus ordine expediri debet. Septem sunt ordines sacri, & duo tantum sunt, Medium, Vtrumq; diversâ constitutione, modo, & tempore esse potest. Olim varii fuerunt: Non tamen semper iidem, aut aq. multi. Duo principales, plures secundarii esse possunt. Diversi etiam apud Apostolos fuerunt. Sed quot præcisè, & quales, nuspiam constitutum legitur.

34. Distincti gradus dignitatis in Ministerio sunt, & nulli sunt, Medium, Sunt distincti gradus quia dona, eruditionem, & ordinis prærogativam. Vt unus superioris, alter inferioris ordinis sit, Vt in V. T. Summus Sacerdos, & inferiores Sacerdotes, Levita, & similes, Num. 8. v. 6. seq. 1. Chron. 23. v. 1. 2. seq. In Novo Apostoli, Pastores, Doctores, Ephes. 4. v. 11. seq. Ordine enim omnia in Ecclesiâ fieri debent, 1. Cor. 14. v. 40. Non sunt quia auctoritatem & potestatem essentialem, Vt prædicandi, Sacramenta administrandi, peccata solvendi aut ligandi, in quibus omnes ministri pares sunt, aut jurisdictionem subjectionis & coactionis, Vel absoluti alicujus domini, Vt superior velut Magistratus, inferior servus & subditus sit, talem enim dominatum Christus prohibuit, Luc 22. v. 26. Aut tyrannidem Pontificiam, quâ unus absolutus dictator sit, reliqui absolute parere cogantur. Sic enim etiam summus ministrorum directioni summi Magistratus civilis subiacet, & omnes Christo, ut absoluto domino subsunt. Nullus minister absolutus est. Apostolatus adhuc in Ecclesiâ durat, & non durat, Medium, In donis communibus adhuc durat, ut vi prædicandi, sacra administrandi, peccata ligandi & solvendi: Non in singularibus, ut vi mira patrandi, ubiq; in toto Orbe verbum prædicandi, Veritatem absolute sine ullo errore proponendi.

proponendi.
hauriendi.
est, & non
presso, sed s
& potestatem
rum inquire
scere ac dec
Episcopis reg
s. seq. No
presbyteros
apud Pontif
35. C
gati esse,
nendi habe
est, non a
neutrum pr
dictum est.
imperare, a
& requiri in
aut imponi u
proprium hab
non omnes ca
Clerici sunt
Medium, i
ut membra u
Non sunt in
bum, Sacra
enim immed
acceperunt
re nequit, c

proponendi, à Christo ipso in carne viso & audito doctrinam hauriendi. Episcopus jure divino superior prebytero est, & non est, Medium, jure divino, non primario & expresso, sed secundo & virtuali est, quia ordinem aliquem & potestatem in alios, quia Pastores ordinare, in vitam eorum inquirere, officii eos commonere, Causas eorum cognoscere ac decidere queat. Hac enim à Tito & Timotheo Episcopis requirit Apostolus, i. Tim. 5 v. 19. seq. Tit. 1 v. 5. seq. Non autem potestatem absolutam aut coactionis in presbyteros, ut hi absolute ab illo dependere cogantur, ut apud Pontificios.

35. Clerici debent cœlibes esse, & debent conjugati esse, Medium, possunt cœlibes esse, si donum se continendi habeant, & constitutione humanâ cœlibatus annexus est, non divinâ, quâ & cœlibes, & conjugati esse possunt, neutrum præcisè jussu aut prohibitu, eoque indifferens relictum est. Quod autem Scriptura indifferens relinquit, homo imperare, aut prohibere in talibus nequit. Svaderi cœlibatus & requiri in clericis, ut valde conveniens, potest, sed imperari aut imponi ut necessarius non debet. Quivis enim donum proprium habet, i. Cor 7. v. 7. 17. 24. 35. Et cœlibatum non omnes capiunt, sed quibus datum est, Matth. 19. v. 11. Clerici sunt subiecti Magistratui Civili, & non sunt, Medium, Vtrumq; verum est. Sunt in civilibus rebus, ut membra unius Reipubl. simul in unâ Societate degentia: Non sunt in immediatâ officii sui potestate, ut prædicandi verbum, Sacra ministrandi, peccata solvendi & ligandi, sic enim immediatè Christo subiecti sunt, à quo potestatem illam acceperunt & habent, nulli civili Magistratui, qui eam dare nequit, cum ipse non habeat. Bona Clericorum jure

à civilibus oneribus exempta sunt, & non sunt, Medium, *Vtrumq;* dici potest. Sunt liberalitate Regum & Principum, & jure Civili ac Canonico: Non sunt divini aliquà constitutione, aut lege in N. T. posita vel repetita. Licet Clerici salaria pro muniis suis sumunt, & non sumunt, Medium, *Vtrumq;* dici potest. Licet sumunt, si laborent, dignus enim operarius mercede sua, Matth. 10. v. 10. Luc. 10. v. 7. 1. Cor. 9. v. 7. seq. Et Ecclesia solvere possit. Nun sumunt, si nec laborent, aut se gratis laboraturos promiserint, aut paupercola Ecclesiae conditio solvere non admittat. Hic enim compatiendum cum Ecclesia, & beatius dare, quam accipere, cogitandum, Actor. 20. v. 33. seq. Item, decimas jure sumunt, & non sumunt, Medium, *Vtrumq;* verum. Sumunt, ubi moris est, & Ecclesia in decimas dandas consensit. Non sumunt, ubi non moris, aut Ecclesia inde ingens gravamen ac damnum sentiat. Sic enim aliis stipendiis contentas esse oportebit.

36. Consilia Evangelica dantur, & non dantur, Medium, *Vtrumq;* verum. Dantur, si per consilia gnomae & sententia quibusdam inculcata intelligantur, & quae imperatis equipollean in illis, quibus inculcantur, etsi non promiscue omnibus dentur, ut alias praecepta solent. Sic virginitas capi jubetur ab eo, qui capere potest, Matth. 19. v. 12. Et prout DEVS donum alicui partitus est, 1. Cor. 7. v. 17. 20. 24. Et peculium meritorum opinio illis non adscribatur. Non dantur, si perfectionis consilia esse dicantur, quae svasa tantum & consulta, non imperata etiam illis, quibus data, sint, quasi homo per ea gravior, perfectior, justior, apud DEVM evadat, ad Caelibatum, paupertatem, & obedientiam Monachalem perpetuam praecise restringantur,

tur. Haec eni
bonum sunt
citur, Tia.
tam celibatu
ritoria vite
facta praefer
aliens, & bon
moderate o
renda, Med
est. Deser
suscepta sit
vi persecuti
amore a Ch
tas bona abo
praeferenda
cepta. Sa
omnibus se a
tur, & caris
meriti opinio
bonum sunt
sublevatio, &
v. 13. Vi de
pere oporteat.
37. Vie
Medium, Vtr
liari vocatione
num fervore,
in perpetuum
sunt, ei adju
I. Elia, 1. Re

tur. Hæc enim nec svasa, nec præcepta sunt, sed traditiones hominum sunt, continensq; in sacris etiam in conjugio vivens dicitur, Tit. 1. v. 6. 8. Omnibusq; imperata est continentia, tam cælibus, quàm conjugatis, 1. Theff. 4. v. 3. 4. Meritoria vitæ æternæ esse doceantur, quasi supra legem homo facta præstare, ac de illis aliis supererogare possit, quæ omnia aliena, & hominum commenta sunt. Desertio bonorum, moderato divitiarum usus præferenda, & non præferenda, Medium, Vtrumq; distinctis distinguendis dici potest. Desertio bonorum præferenda, si necessariâ de causâ suscepta sit, Vt communi fidelium inopiâ, continuatâ & gravi persecutione, singulari præcepto & vocatione, opum amore a Christo avertente, & similibus. Hic enim necessitas bona abdicare, & in pauperes erogare jubet. Non est præferenda, si sine urgente necessitate & illegitimo fine suscepta. Satiùs enim, divitias prudenter erogare, quàm omnibus se abdicare. Sic enim si omnia in pauperes erogentur, & caritas absit, nihil est, 1. Cor. 13. v. 3. Et cum meriti opinio in desertione adest, frustranea omnia & cultus hominum sunt, Matth. 15. v. 9. Coloss. 2. v. 23. Nec aliis sublevatio, & nobis afflictio de nostris esse debet, 2. Cor. 8. v. 13. Vt desertionem bonorum non sine gravi causâ suscipere oporteat.

37. Vita Eremitica DEO placet, & non placet Medium, Vtrumq; distinctè verum est. Placet, si peculiari vocatione, gravi de causâ, singulari fine, persecutionum fervore, & necessariâ ratione ad tempus aliquod, non in perpetuum, suscipiatur, nullusq; cultus, meritum, supersticio, ei adjungatur, sic in Iohanne baptistâ, Luc. 1. Marc. 1. Elia, 1. Reg. 19. Aliisq; in primâ Ecclesiâ, ubi horrendæ gentiliū

gentilium persecutiones fervebant: Non placet, si necessaria ista requisita absint, & superstitiosus finis, cultus, meritum, ei superstruatur, & perpetuum vite genus constitutur. Sic enim dona & bona nostra in publicum usum conferre debemus, Matth. 5. v. 15. 16. Non talentum defodere, C. 25. v. 18. seq. Nec conventus deferere, Hebr. 10. v. 25. V. de Comm. Sanct. C. 5. t. 20. Vbi pluribus de eo visum. Ministerium ambire licet, & non licet, Medium. Vtrumq; verum. Licet gloria DEI, edificande Ecclesie, & communis usus gratia: Non licet lucri, ambitionis, honoris, aut terreni commodi intuitu. Sine ordinatione docere licet, & non licet, Medium. Vtrumq; dici potest. Illud in persecutione, Ecclesia corrupta, dispersa, Cum nullus, qui ordinet, haberi potest. Hoc in Ecclesia constituta, omnibus ordinate se habentibus, nulla persecutione infestante, Et cum adsunt, qui ordinent. Apostolica enim hic ritus originis & frequentationis est, Actor. 6. 13. 1. Tim. 4. 5. 2. Tim. 1. Eoq; non facile omittendus. Conf. t. 33.

38. Magistratus Constitutio humana, & divina est, Medium, Vtrumq; est. V. t. 32. Potest Christianus jure Magistratum gerere, & non potest, Medium. Vtrumq; dici potest. Potest moderatum, ordinatum, & legitime regimen occupantem ac administrantem: Non potest tyrannicum, violentum, illegitime gubernantem, & omnia evertentem. Sic enim in ira & furore DEI reges dantur, & regnant non per DEVM, Ose. 8. v. 4. C. 13. v. 10. Primus locus in externa gubernatione Ecclesie Magistratui demandandus, & Clericis vel summo Pontifici ille dandus, Medium, Distincte utrumq; dici potest. Magistratu in exteriori regimine, ut vocandi, constituendi, salariandi, abdicandi

abdicandi,
sacra admini
prout Ecclesie
militia; hic p
juris hic Su
milibus colle
rint. Con
petit, &
duo sunt, V
que medium
externa,
defendantur
menta mini
Hare
Vtrumq; d
seditiosi, ap
lex de illis o
sibi errent,
eos extirpare
mi sint, me
dendi. Spir
civilis morte
committendum
ut Pontifici
dam, ut Son
ci, nolunt,
exilio, carcere
ne; Non aut
ferendum non
ab oculibus d

abdicandi, transferendi, Clerico in interiore, ut prædicandi, sacra administrandi, ligandi & solvendi, V. t. 34. 35. Et prout Ecclesiæ status, circumstantiarum variarum ratio, similiaq; hic postulent. In quibusdam Ecclesiis multum juris hic Superintendentibus, Præpositis, Canonicis, & similibus collatum est, ut in partem juris Patronatus deveniant. Cont. t. 30. Magistratui cura Ecclesiastica competit, & non illi, sed Ministerio ea competit, extrema duo sunt, Vt Meisnerus p. 3. Ph. Sob. p. 551. ait. Inter qua medium eligendum. Magistratui competit cura, sed externa, ut Ecclesiæ constituentur, servantur, ornentur, defendantur: Ministerio interna, ut prædicandi, Sacramenta ministrandi, ægros consolandi, infirmos instruendi, &c.

Hæretici sunt occidendi, & non sunt, Medium, Verumq; distinctè dici potest. Sunt occidendi, si rebelles, seditiosi, aperti turbones sint, & in veteri Test. ubi aperta lex de illis occidendis fuit, Deut. 13. Non, si tantum sibi errent, & ob solum errorem, ac in N. T. Vbi violenter eos extirpare prohibitum, Matth. 13. Si apertè blasphemi sint, nec desistant, durius coercendi, vix tamen occidendi. Spirituale enim hoc peccatum, non civile est, eoq; civili morte non vindicandum, sed DEI vindicta in N. T. committendum erit. Item, hæretici capite puniendi, ut Pontificii, Et in hæreticos prorsus non animadvertendum, ut Socinistæ, Anabaptistæ, Weigeliani, Fanatici, volunt, extrema sunt: Medium, Debitè coercendi, exilio, carcere, excommunicatione, exclusione, devotatione; Non autem occidendi sunt. Vt palam homines seducant, ferendum non est, & lupos, quales hæretici, Matth. 7. v. 15. ab ovilibus debitè abigere, justum ac necessarium est.

39. Potest Magistratus dissidentes religiones in ditione sua ferre, & non debet eas ferre, sed unam fidem inducere & tueri, Medium, Vtrumq; agere potest. Potest ferre, si salus Reipublicæ, constitutio ditionis, in quam Magistratus iuravit, ratio status, aliter non ferat, & dissidentes relig. jam inveniat, non primum ipse inducat: Non debet ferre, si scilicet commodè & citra Reipubl. ruinam, aut veræ fidei & fidelium periculum ac incommodum tollere, unamq; inducere queat. Et similiter hic duo extrema cavenda, Libertatem quidvis credendi indulgendam, Vt Photiniani & fanatici, & nullam diversam religionem in Reipubl. tolerandam, ut rigidiore Pontificii volunt, Medium tutissimè eligitur, si Circumstantiæ attendantur. Idem in hoc est, Libri hæretici liberè in regione disseminandi, Vt Photinistæ, Arminiani, Et ignibus consumendi sunt, ut iterum rigidi quidam Pontificii volunt, Medium, Nec absolutè omnibus permittendi, nec ignibus omnes abolendi, sed librorum ipsorum varietas, quidam Magici, quidam erronei, alii blasphemii, legentium iudicia & profectus, Circumstantiarum rationes attendendæ, ut quidam divendi, alii prohiberi possint. Sed ignibus non faciliè in solos erroneos libros servendum, nisi Magici, palam blasphemii, impudici, bonis moribus adversi sint. Item, Magistratus potest subditos ad religionem cogere, & non potest, Medium, Vtrumq; verum. Potest moraliter & externâ pedagogiâ flectere, ad conciones audiendas movere informationem procurare, præmiis concitare, ut in convertendis Iudeis solemus. Non potest violenter & aperte vi, ut exactionibus militaribus, carceribus, exiliis, bonorum confiscationibus, & similibus. De jure enim svadetur religio, non imperatur aut extorquetur.

40. di, sed expe
stantis agi p
expelli neque
sum aut san
svadeant,
expugnant,
gi, & Chri
periculis lib
non ut liber
gerere pot
cautione ut
nempe nece
omnia tent
potest.
publica aut
queat.
tera omnia p
Bella iusta,
jure suo aliq
cessarium pro
cinorolosca
id facere, M
Vi civilis &
tis, ubi ci
facinus notori
ut præcisè C
est, sic enim
dum est, &
est. Quia

40. Judæi sunt in Republ. ferendi, & non ferendi, sed expellendi. Medium, Vtrumq; sub diversis circumstantiis agi potest. Ferendi, si sine ingenti Reipubl. damno expelli nequeant, certis conditionibus constringendi, ne Christum aut Sanctos ejus blasphement, errores seminent aut persuadeant, Christianos in suam perfidiam inducant, prodant, expugnant. Non ferendi, si commodè pro salute Reip. abigi, & Christiani ab immanibus eorum usuris, morsuris, & periculis liberari possint. Ferendi, ut servi ac mancipia, non ut liberi & cives. Bella Christianus in N. T. licitè gerere potest, & non potest ea gerere, Medium. Certà cautione utrumq; dici potest. Gerere bella potest, ultimà nempe necessitate, & in publicà ac necessarià causà. Cum omnia tentata sunt, & aliis mediis res transigi nullà ratione potest. Non potest, si non ultima necessitas, nec causa publica aut satis necessaria adsit, & aliis mediis res transigi queat. Vltimum enim medium Christiano bellum post cætera omnia periclitata esse debet, Non primum aut medium. Bella justa, quibus nulla nisi in armis spes est. Et potius de jure suo aliquid remittendum, quàm in bellum non satis necessarium prouendum est. Magistratus in N. T. in facinorosos capitaliter animadvertere potest, & non debet id facere, Medium, Vtrumq; certo sensu dici potest. Illud, Vt civilis & Politicus est, ac pars Reipubl. Et civilis societatis, ubi civilibus mediis sæpè procedendum est: Et ubi facinus notorium ac satis probatum est. Non debet, scilicet, ut præcisè Christianus, DEI filius, fidelis, & ovis Ecclesiæ est, sic enim non armis carnalibus, sed spiritualibus pugnandum est, & ubi facinus occultum, aut non satis probatum est. Quia utroq; respectu Magistratus in Politicà confide-

rari potest, secundum eum & diversa prædicata de eo enuntiari possunt, ut aliquid posse & non posse dicatur. Sic gladium gerit, ut Magistratus, non præcisè, ut Christianus est. Christianis omnibus Christianè viventibus gladio opus non erit. Sic aliquis morbos curat, ut Medicus, Causas in foro agit, ut Ictus, non ut præcisè Christianus est.

41. Fures sunt suspendendi, & non sunt, Medium, *Vtrumq;* dici potest. Suspendendi, *Vbi* aliter malitia eorum contraveniri nequit, & Republicæ quies ac salus necessariò tandem requirit. Hic enim salus Reip. & vita hominis in comparisonem veniunt, inter quæ sufficiens proportio esse potest. Non sunt, ubi melioribus mediis malitiæ obviari potest. Sic Venetiis ad triremes damnantur, è quâ poenâ paucissimi in tam populosâ Republ. fures animadvertuntur. Magistratus est necessarius Christianis, & non est, Medium, *Vtrumq;* est. Est, Cum mali inter Christianos semper intercurrent, qui coercendi sunt, & à quibus prohi defendendi. Non est, si scilicet omnes boni ac solidi Christiani sint, qui spontè officium faciant, nihil mali patrare cupiant. Sic enim nec defensione, nec animadversione opus erit. Magistratus Christianus iustè tributum à Christianis exigit, *Vt* Politici, Et non exigit, ut Weigeliani volunt, Medium, *Vtrumq;* dici potest. Moderatum & necessarium iustè exigit, Rom. 13. v. 7. Sine eo enim Respubl. administrari non potest. Immoderatum, superfluum, & violentum non. Bona Christianorum communia esse, & non esse debent, Medium, *Vtrumq;* dici potest. Debent in extremâ necessitate, cum tota Ecclesia inops, & aliter servari non potest, *Vt* Act. 2. v. 44. C. 4. v. 32. Non debent sine necessitate, cum Ecclesia

satis

satis confisi
synos aut al
C. 5. t. 24
Medium,
timus posu
um non sit
aut Respub
licet in qu
sufficit, cau
alia veri m
i gratiâ re
& secundu
circumstan
ter de re i
dicare, ne
contra conf
seq. Si
re constet, a
care debet.

42. N
stratus, &
Vterq; legiti
in Politicis
suis requirit
ob varios cas
de divertio,
Cor. 7. docet
dium, *Vtru*
priè & impre
binatus tol

Exercitatio.

53

satis constituta, aliisq; modis inopia quorundam per eleemosynas aut alia provideri potest. Vt De Commun. Sancto. C. 5. t. 24. dicitur. Christiano jurare licet, & non licet, Medium, Vtrumq; verum. Licet, si magistratus legitimus postulet, res gravis sit, aliud eruende veritatis medium non sit, & ultima necessitas, salus proximi, aut propria, aut Reipubl. requirat, & rarissime, Hebr. 6. v. 16. Non licet in quotidiano ac familiari sermone, Vbi est & non est sufficit, causis levibus, necessitate nullâ requirente, & ubi alia veri media satis prostant, nec competens magistratus veri gratiâ requirit. Iudex secundum acta & probata, & secundum conscientiam judicare debet, Medium, Certis circumstantiis vtrumq; agere debet. Si cerò & evidenter de re ipsi constet, iudicium protrahere, aut in illo casu abdicare, non autem innocentem condemnare, aut quidquam contra conscientiam propriam agere debet, Exod. 23. v. 1. seq. Si presumptione tantum, conjecturaliter, aut obscure constet, actis & probatis inherere, & secundum ea judicare debet.

42. Matrimonialium competens Iudex est Magistratus, & comp. Iudex est homo Ecclesiasticus, Medium, Vterq; legitimè hic adhibetur. Ille ob publicam Conjugii in Politiâ rationem, & ut exsequi in multis possit, ubi necessitas requirit, Deut. 22. v. 15. Ruth 4. v. 1. seq. Hic ob varios casus ex sacris decidendos, & Christi exemplum de divortio, Matt. 19. Et Pauli de cœlibatu respondentis, 1. Cor. 7. docet. Conjugium est sacramentum, & non est, Medium, Vtrumq; dici potest, prout vocem latè & strictè, propriè & impropriè, rigide & abusive sumas. V. t. 46. Concubinatus tolerari potest, & non potest, Medium, prout Ita

ius Politie fuerit. In ordinatâ Repub. ferri non debet, sed tolli. In turbatâ multa ferri oportet, quæ non probantur. In V. T. permissus, in N. T. non facillè ferendus est. Polygamia Patrum in V. T. à DEO probata, & damnata, ac reprobata fuit. Medium, Pro ratione istius status permissa & tolerata, nunquam plenè probata fuit. Vel ^{ἐπεὶ} ~~ἐπεὶ~~ arripere, & non liquere dicere hic fas est, Vt Chemnitius, Mentzerus, Gerhardus, Brochmandus, alijsq; faciunt, V. de non Liqueendo, t. 9. Parentum consensus ad conjugium est necessarius, & est honorarius tantum, Medium, Vtrumq; dici potest. Illud, si parentes adsint, rationis compotes, & sui juris sint, ac haberi possint, nullaq; malâ pertinaciâ reclamare deprehendantur. Hoc, si non adsint, aut sanâ ratione orbi, aut sui juris non sint, aut merâ malitiâ liberis contradicant, eosq; impediunt, nullaq; solidâ ratione ducantur. Non enim parentes liberos suos exacerbare debent, Ephes. 6. v. 4. Colos. 3. v. 21. Nec patria potestas data, ut eâ incommodent liberis, sed ut prospiciant.

43. Leges de prohibitis gradibus Lev. 18. & 20. tantum Iudæos obligant, & etiam Christianos obligant, Medium, Vtrorsq; simul obligant. Immediatè & per expressum Iudæos, quibus data & lata illæ, Lev. 18. v. 2. Mediatè & consequenter omnes gentes, ad quas notitia earum pervenire potest aut debet. Et sic etiam Christianos. Iuri enim Naturæ consentanea sunt, qualia Vniuersos obligare solent. Benedictio Sacerdotalis necessariò ad conjugium requiritur, Et non requiritur, Medium, Vtrumq; verum est. Requiritur, ut DEO gratum illud, ordinatum, & decorum sit, ac cum DEO omnia in tali statu, ut decet, inchoentur, ut & gentiles agnoverunt ac fecerunt, Vt DEVS

conjunxisse

conjunxisse
scilicet, tanqu
bac enim i
ris consensu
net, Matru
lubile, Me
licet, & me
conjunxit,
Solubile est
Christus se
v. 9. Paul
v. 15. Sol
monium
licet, Me
nis metus
non infest
ne spes sit,
si seducend
pugnandi,
perunacia a
posse, aut
44.
rum inter e
mur voce
dium, dist
tate Christi
velut civita
nis in eâ oc
necessaria a
esse credat

Exercitatio.

55

conjunxisse dici queat, Matth. 19. v. 6. Non requiritur, scil. tanquam pars essentialis ad essentiam conjugii pertinenens, hac enim in legitimo utriusq. contrahentis legitimi & sui juris consensu ac fine consistit. Quorsum benedictio non pertinet. Matrimonii vinculum est indissolubile, & est solubile, Medium, Vtrumq. est. Indissolubile ab homine scilicet, & merâ autoritate humanâ est: Quod enim DEVS conjunxit, homo suâ potestate ne separet, Matth. 19. v. 6. Solubile est, scil. à Casu à DEO ipso constituto, Quomodo Christus fornicationem & adulterium, Matth. 5. v. 32. C. 19. v. 9. Paulus malitiosam unius partis desertionem, 1. Cor. 7. v. 15. Solvendi aut soluti conditionem ponunt. Licet matrimonium inire cum diversæ religionis homine, & non licet, Medium, Vtrumq. verum. Licet, si nullus seductionis metus sit, & pars errans modesta sit, alterius sententiam non insecetur, blasphemet, subsannet, ac de ejus conversione spes sit, nec pertinaciter errorem propugnet. Non licet, si seducendi metus, suam fidem pertinaciter defendendi, propugnandi, alteram oppugnandi & blasphemandi malitiosa pertinacia adsit, & de Conversione errantis spes nulla esse possit, aut in errore malitiosa permansio aperte affirmetur.

44. In Loco de Sacramentis in sequentibus mediis inter extrema ratio animadverti querit. Ut. Licitè utimur voce Sacramenti in Ecclesiâ, & illicitè utimur, Medium, distinguendus est usus. Licitè utimur, quâ libertate Christianâ voce uti possumus, & longo usu Ecclesiastico velut civitate Ecclesiæ Latina donata est, nihilq. superstitionis in eâ oculitur, aut ei annectitur. Illicitè, si ut prorsus necessaria aut Biblica obtrudatur, peculiaris vis latens ei subesse credatur, aut alias superstitionis usus ejus adhibeatur.

Sacra-

Sacramenti vox tantum externum elementum, aut ritum & actum notat, & etiam internam vim ac gratiam notat, Medium, Vtrumq; notat, prout magis adequatè aut inadéquatè, totaliter aut partialiter, sumitur. Eadem vox $\epsilon\gamma\gamma\epsilon\alpha\phi\theta$ & $\alpha\gamma\epsilon\alpha\phi\theta$ est, Medium, diverso sensu utrumq; est. $\epsilon\gamma\gamma\epsilon\alpha\phi\theta$, si generaliter pro mysterio sumatur, Ephes. 5. v. 7. $\alpha\gamma\epsilon\alpha\phi\theta$, si specialiter pro certo ritu divinitus instituto pro gratiâ Evangelicâ conferendâ & obsignandâ sumatur, Vt in Ecclesiâ usitatè sumitur. Sacramenta sunt signa gratiæ, & sunt media ac sigilla gratiæ. Medium, Vtrumq; sunt. Signa ex aliquo fine, & quâ externi ritus sunt, quibus aliquid interni adumbratur. Gen. 17. v. 11. Sic aqua ablutio in baptismo crucifixionem Veteris hominis notat. Rom. 6. Non signa ex genere & essentiâ suâ, sed actus, ritus, & Cereemonia. Media ac sigilla, quâ per externos actus DEVS gratiam conferre aut obsignare promissit. Sic baptis- mus salvat, 1. Petr. 3. v. 21. Cæna gratiam obsignat & si- dem confirmat, Luc. 22. v. 19. 1. Cor. 11. v. 26. Circumci- sio fœdus, Gen. 17. v. 9. 10. Et signaculum justitiæ fidei est, Rom. 4. v. 11.

Sacramenta obsignant gratiam Evangelicam, & non obsignant, Medium, Vtrumq; dici potest. Obsignant, sed moraliter, spiritualiter, & hyperphysicè, ex peculiari Dei instituto. Non obsignant naturaliter, Physicâ ac inherente quadam virtute, quomodo vinum calefacit, panis & ca- ro nutrit, & Physico modo, quomodo naturalia humectant, ut aqua, calefaciunt, ut ignis, incident & aperiunt, ut purgan- tia, constringunt, ut acida & amara, &c.

45. Sacramenti forma in analogiâ signi ad signa- tum consistit, & non consistit, Medium, Sacramentum

ut accidens, propriè non habet formam, sed est ipsa ultimata forma, actio & ritus aliquis certo fine ordinatus. Cui analogia aliqua ad rem signatam intercedit, sed quæ magis ad finem, quam formam, spectat. Et forma ejus, sed generalis & obiter dicta, in eâ est, non specialis & interna. Fides ad essentiam sacramenti pertinet, & non pertinet, Medium, *Utrumq;* est. Pertinet ad essentiam, totaliter nempe in fine & intentione suâ à Christo institutam, sic enim actus sunt certi finis gratiâ à Christo instituti, eorû intenti, ut essentia illorum sine tali fine spectata non totaliter & adequatè concipiatur. Non pertinet, quando essentia partialiter & inadequatè concipitur, & inter substantiam Sacramenti ac finem distinguitur. Quomodo interdum inadequatè res aliquas concipere solemus. Sacramenta N. T. vim operandi ex opere operato habent, & ex operantis ac devotione utentis habent, Medium, *Utrumq;* dextro sensu dici potest. Ex opere operato, vi divine institutionis, quâ DEUS ea ad salutaria organa gratiæ elevarit, & vim operandi moralem indidit, V. t. 44. Ex operantis, quia ut vis in homine exseratur, fide & devotione utentis sacr: opus est, sine quâ nihil salutariter in eo operabitur. Est conditio necessaria subjecti utentis, non ratio interna ipsius Sacramenti operantis, quasi vim suam ex devotione utentis illud habeat, quamvis sine eâ in homine eam non exserat.

46. Eadem est substantia Sacramentor. V. & N. Test. Et non eadem, sed diversissima est: Medium, *Utrumq;* congruo sensu dici potest. Eadem est quantum ad gratiam & Messiam ipsum, quo nituntur ea, qui in utroq; Testam. unus idemq; Christus est, Hebr. 13. v. 8. Itemq; Viam salutis in Christo, & reconciliationem cum DEO per ipsum.

H

Diversis-

Diversissima, quantum ad modum sistendi vel exhibendi Christum, qui ibi in umbris, typis, promissionibus, adumbrationibus, venturus & in carne exhibendus, hic in re, substantiâ & exhibitione, tanquam incarnatus iam & exhibitus, realiterq; se sistens & exhibens. Agnus paschalis fuit Sacramentum, & fuit sacrificium, Medium, Vtrumq; fuisse certo sensu dici potest. Ut assatus & comestus fuit, sic Sacramenti, ut occisus, maceratus, sanguis ejus fusus, postibus adium illitus, sic sacrificii rationem aliquam habuit. Sacramenta N. T. tantum duo sunt, & non duo, sed plura esse possunt, Medium, Pro latiore & strictiore vocis sacramenti acceptione vtrumq; dici potest. Strictè loquendo univocè dicta Sacramenta tantum duo sunt, baptisumus & cæna. Latè sumendo & analogicè dicta plura esse possunt, prout vox Sacramenti generalissimè quamvis rem mysticam notat, t. 44. Sic poenitentiam quidam Sacramentum vocant, t. 19. Baptisumus immersionem notat, & aspersionem aquæ notat, Medium, Vtrumq; in sacris notat. V. Marc. 7. v. 3. 4. Luc. 11. v. 38. Hebr. 9. v. 10.

47. Baptisumus à ministro verbi administrandus, & à Laico etiam ac Idiotâ administrari potest, Medium, Vtrumq; verum est. A ministro ordinariè & extra necessitatis casum, Ecclesiâ rectè constitutâ, & ubi minister satis haberi potest. Ab Idiotâ in casu supræ necessitatis, Vbi Ecclesia non plenè constituta, minister haberi nequit, & præsentis mortis periculum baptizando imminet. Baptisumus Johannis idem substantiâ cum Christo est, & non est, sed diversus, Medium, Vtrumq; dici potest, prout terminum substantiæ latè aut pressè sumpseris. Idem est substantiâ, h. e. essentiâ & essentiali ratione, fundamento, institutore

stitutore, N
S. aqua, f
facta. N
modo & rat
decoquere di
in Christum
mortuum, &
tibus in toto
dona contuli
est, ut hic
berur in b
rectè dicitur
se indifferere
riorem fac
vim obtine
nulli super
cessarium q
superstitioso
liberum est
& baptisumi
piura magis
solâ aquâ
strandus, M
mo proprio q
extraordinari
fit, Matth
48. I
Sancti sunt
Vtrumq; su
omnes natur

stitutorē, DEO, virtute agendi & efficacā, fine, materia, S. aquā, formā, aspersione vel immersione in nomine DEI facta. Non idem substantiā, si latius eam pro quocunq; modo & ratione rei sumas. Quomodo omnem substantiam decoquere dicitur, qui facultates absunit. Iohannis enim, in Christum passurum & resurrecturum, Christi in passum, mortuum, & resuscitatum, Ille solis Iudeis, hic omnibus gentibus in toto mundo administratur. Ille nulla visibilia Sp. S. dona contulit, ut hic, nec ita solenni promulgatione institutus est, ut hic, Matth. 28. v. 19. Exorcismus licitē adhibetur in baptismo, & non adhibetur, Medium, Vtrumq; rectē dicitur. Licitē adhibetur, si ut ceremonia libera, in se indifferens, substantiam baptismi nec meliorem, nec deteriore faciens, nec ei essentialis, nec spiritualem quandam vim obtinens, sed iudicium ponens, non gratiam faciens, & nulli superstitioni mista observetur. Non licitē, si ut necessarium quid, internam gratiam sacramentalem suppedians, superstitioso fine, modo, & opinione adhibeatur. Ecclesiæ liberum est, ut dogma istud de peccato, Sathane potestate, & baptismi efficacā, exorcismo adumbratum, aliis verbis Scripturae magis conformibus proponat & explicet. Baptismus solā aquā expediendus, & etiam alio elemento administrandus, Medium, Vtrumq; procedit. Illud de baptismo proprio & ordinario, hoc de improprio, metaphoricis, & extraordinario ac miraculoso, qui etiam igne & Spiritu S. fit, Matth. 3. v. 11. Luc. 3. v. 16.

48. Infantes Christianorum ante baptismum, Sancti sunt & non sunt, sed caro de carne, Joh. 3. Medium, Vtrumq; sunt. Sancti, non Theologicē à peccato, sic enim omnes naturā filii iræ, non gratiæ, Ephes. 2. Sed Politicē & Ethicē,

Et civiliter, hoc est, in Ecclesiâ nati, Et sic proximo jure ac aditu ad Ecclesiâ bona: qualia Sacramenta, instructi, quo non infidelium, paganorum, Mahometanorum, Iudeorum, liberi, quos potestati Christianæ primùm subjici oportet, priusquam aditum istum adipiscantur. Baptismus unicus est, Et duplex, internus Et externus est, Medium, Vtrumq; dici potest. Unicus est specie, naturâ, essentiâ, vi Et efficaciâ, Ephes. 4. v. 5. 6. Duplex nominali vocis equivocatione, ut proprius Et tropicus, fluminis, fluminis, Et sanguinis, internus Et externus, usitatus Et inusitatus: Ac aliquid externi in baptismo est, ut actus ablundi, aspergendi, immergendi, in nomen S. Trinitatis, & aliquid interni, ut Spiritus S. interna vis, gratia, efficacia, peccatorum remissio. Unde obiter internus & externus dicitur. Quomodo mundus, astrum, homo, internus Et externus, visibilis Et invisibilis Hermeticis appellatur. Sic circumcisio Carnis Et Spiritus, interna Et externa Apostolo est, Rom. 2. v. 28. 29. Sed accurata locutio non est: Nominis distinctio est, non rei divisio. Sic int. Et ext. quid in homine est, anima Et corpus: Sed hominem inde in internum Et externum in Physicis propriè non dividimus.

Baptismus est necessarius ad salutem, Et non est, Medium, Vtrumq; verum, Et distinguenda necessitas est. Necessarius, ut medium ordinarium, sine quo ordinariè nemo salvatur, Joh. 3. Non necessarius absolutè nempe, quasi simpliciter nullus sine baptismo salvari queat, sic enim infantes in utero mortui, aut sine contemptu per casum aliquem baptismo privati, non ob id damnati censendi, sed iudicio DEI committendi sunt, t. 12. 18. Nos baptismo DEVS alligavit, non seipsum, quasi nullo casu sine eo aliquem salvare queat.

49.
dium, Vtrumq;
nati, aut su
jam ex alvo
stans nati,
grè satis, se
pismus ab
Medium, p
servet, Et i
tingat, valic
ticipios valid
C. 5. q. 2.
tortis bapti
non est, Et
Licet infan
doxo, Arm
trumq; dici p
at, Vbi satum
ejus servet,
infantem dec
licet, si alius
re queat, Et
Monstra hu
Medium, V
deprebandant
servant. Non
so, Co
non rectè dicit
sic dicitur, si
Et altaria voc

Exercitatio.

61

49. Infantes sunt baptisandi, & non sunt, Medium, Vtrumq; certo sensu dicitur. Sunt, si è Christianis nati, aut sub potestatem Christianorum redacti sint, & toti jam ex alvo maternâ egressi sint. Non sunt, si è non Christianis nati, nec in potestatem Christianorum delati, nec integre satis, sed partialiter tantum ex utero protrusi sint. Baptismus ab hæretico collatus est ratus, & est irritus, Medium, prout hæreticus fuerit. Si substantialia baptismi servet, & in nomen Patris, filii, & Sp. S. aquâ hominem tingat, validus est baptismus. Sic apud Reformatos & Pontificios validus baptismus. V. Hutterum L. C. de baptis. C. 5. q. 2. Si ea neget & impugnet, aut omissis illis vel detortis baptizet, Vt Arianus, Tricheita, Sabellianus, non est, & taliter baptizatus iterum ab alio baptisandus est. Licet infantem baptisandum offerre ministro heterodoxo, Arminiano, Pontificio, & non licet, Medium, Vtrumq; dici potest. Licet, si alius orthodoxus haberi nequeat, Vbi satius à tali baptismum suscipere, modò substantialia ejus servet, non neget aut impugnet, quàm prorsus sine eo infantem decedere. Ratus enim talium baptismus. Non licet, si alius haberi potest, aut paterfamilias ipse baptizare queat, & minister substant. baptismi neget vel impugnet. Monstra humana baptisanda, & non baptisanda, Medium, Vtrumq; verum. Baptisanda, si rationis capacia deprehendantur, & figuram satis humanam in principalibus servant. Non, si ista abesse illis deprehendantur.

50. Coena rectè Sacramentum altaris dicitur, & non rectè dicitur, Medium, Vtrumq; dici potest. Rectè sic dicitur, si Sacramenti vocem pressè sumas, t. 44. 46. Et altaris vocem latè accipias, non pro eo, in quo propriè sacrificatur,

H 3

sificatur,

crificatur, sed in quo mystici quid tractatur. & liberè citrà
 superstitionem aut erroneam opinionem vox usurpetur. Non
 rectè, si Sacramentum generalissimè aut equivocè capias,
 c. l. Et altare pro loco veri sacrificii sumas, ac supersticiosas
 sententias sacrificii incruenti, oblationis pro vivis & mortu-
 is, missarum, inde deducere labores. Cœna appellatur
 fractio panis in Actis, & non appellatur, Medium, Non
 satis firmiter id inde probari patet. Eoq; abstrahendum
 hic ab affirmando & negando, donec firmamenta utriusq; sen-
 tentiæ satis penetrata fuerint. Panis in Cœnâ transub-
 stantiatur in Corpus Christi. & non transubstantiatur,
 Medium, Utrumq; pro diverso vocis sensu dices. Transub-
 stantiatur non essentiâ & naturâ, sed officio & munere,
 Transmutatur è vili usu in singularem & sublimem, No-
 vum enim munus accipit, ac istius panis fractio & comestio
 Corporis Christi communicatio fit, 1. Cor. 10. Sicq; à vul-
 gari usu ad sacrum & mysticum transfertur, & in mysticum
 finem, non corporis alimoniam, sed spirituales hominis refe-
 ctionem, usurpatur. Sic hominem transubstantiatum &
 transmutatum dicere queas, si ex idiotâ in Regem aut Prin-
 cipem, & sordido statu in sublimem evehatur, Vt Saul, Ab-
 dolonymus, Curtius L. 4. C. 1. aliiq;. Non autem, si trans-
 substantiari essentiâ & naturâ in aliam substantiam transire
 intelligas. Sic enim manet, quod est, & officio in aliud immu-
 tatur. Hoc interdum naturâ mutari Patres dicunt, officiali nem-
 pè, Vt Cyprianus, Ambrosius, aliiq;. Sic nos in baptismo
 naturâ mutamur, non enim filii iræ, ut ante eramus, Ephes.
 2. v. 3. Sed gratiæ renascimur. Sic naturâ furem dicimus,
 qui naturali inclinatione talis, non quòd substantialiter in eum
 mutatus. Corpus Christi manet sub pane etiam extra
 usum.

usum com-
 diu protrah-
 usum suspend-
 & ibi comede-
 pater. Itaq;
 runt panem C-
 nudam referre
 vel prorsus o-
 enim ad inclu-
 datus est.

st. Ho-
 & est nebula
 dium, Est
 varior, extri-
 mentatus, e
 colligere non
 per transu-
 signatum repr-
 & mysticam
 propriâ transu-
 significativâ
 in Cœnâ sub-
 ac in celo cons-
 spiritualis in C-
 quæ naturâ sui-
 utraq; esse pot-
 plenius Tr. de
 præcisè sit, fu-
 puerit, nec no-
 sed non liquet

Exercitatio.

63

usum comedendi, & non manet. Medium, prout usum diu protrahas, aut non protrahas. Manet, si non nimis diu usum suspendas. Sic olim hostiam è templo domum tulerunt, & ibi comederunt, Vt è Cypriano, Tertulliano, aliisq; pater. Itaq; ad sumendum, non includendum, secum sumpserunt panem Cœnæ, & sic comederunt. Non manet, si ad nudam reservationem ac inclusionem teneas, usumq; edendi vel prorsus omittas, vel ad longum tempus suspendas. Non enim ad includendum, sed comedendum, panis Cœnæ à Christo datus est.

51. Hostia in Cœnâ est verus & naturalis panis, & est nebula, spuma, idolum panis, farinaceum folium, Medium, Est panis, & pro eo usurpari potest, sed inusitatus, rarior, extraordinarius, infermentatus, non communis & fermentatus, eog; ab hujus requisitis & affectionibus ad illum colligere non sequitur. Panis Cœnæ est Corpus Christi per transubstantiationem, & per analogicam signi ad signatum representationem, Medium, per veram, realem, & mysticam Corporis Christi in Cœnâ communionem, quæ nec propriâ transubstantiatione, nec locali consubstantiatione, nec significativâ representatione opus habet. Corpus Christi in Cœnâ substantiâ sui reverâ adest, & reverâ abest, ac in cælo continetur, Medium, Corporis Christi mystica & Spiritualis in Cœnâ sub pane est communio, Sanguinis sub vino, quæ naturâ sui ad præsentiam & absentiam indifferens est, & sub utraq; esse potest, Vt Tract. d. Commun. Sanctor. C. 5. Et plenius Tr. de esu Euchar. C. 5. ostendetur. Et qualis hic præcisè sit, fortè non secundum omnes modos specialiter dici potest, nec nos mysticorum omnes modos explicare tenemur, sed non liquere arripiendum, & quiescendum est. Vt Tr. d. non.

d. non liquen. dictum. Coenæ usu remissio peccatorum confertur, & non confertur. Medium, Propriè collata jam obsignatur & confirmatur fideli usu panis & vini istius, cum quo sanguis Christi sumitur, qui in remissionem peccatorum fusus est. Eucharistia est verum sacrificium, & non est, Medium, Est verum sacrificium, sed tropicè dictum, Quomodo Christus vera vitis, Joh. 15. Et vera lux, Joh. 1. Sed tropicè dicta: Non autem proprium sacrificium Coena est.

52. Corpus Christi in Coenâ tantum ore comeditur, & tantum fide, Medium, Vtroq; eo comeditur. Ore per panem & mediante eo, fide in substantiâ sui, quâ cibus mentis, non ventris est, & esus Eucharisticus ex orali ac spiritali compositus & aggregatus est, Vt Tract. de esu Eucharist. docebitur. Verba Coenæ propriè sunt intelligenda, & tropicè intelligenda, Medium, Vtroq; modo intelligenda. Propriè, cum in justum suum sensum resolvuntur. Hoc est Corpus meum, h. e. huius panis fractio & manducatio est vera corporis Christi communicatio: Tropicè, cum absolute, ut jacent, capiuntur. Sic Corpus pro Corporis communione sumptum, Calix novum Testam. in Christi sanguine, pro Calicis bibitio est sanguinis Christi, qui novi Testam. sanguis est, acceptio, qualia tropica esse certum est. Memoria est tantum absentium, & est etiam presentium, Medium, Vtrorumq; est. Illorum primò, horum secundò, modò sensui non pateant. Sic DEI meminisse possum, qui presentissimus. Fides facit absentia presentia, & non facit, Medium, Vtrumq; dici potest. Facit presentia, sed intentionali, habituali, & analogicâ presentia, per speciem in mente formatam, quomodo amicus in mente per speciem cogitatam præsens sistitur, qui realiter multum abesse potest, non reali, substantiali

Exercitatio.

65

stantiali, & univoca, quasi quod substantia sui realiter absens sit, per fidem substantia sui realiter prasens fiat. V. de Esse alicubi, s. i. t. 47. Non enim fides rerum naturas ever- tit, sed relinquit. Corpus Christi est in, sub, & cum pane, & non est sub eo, Medium. Vtrumq; est. Est sub eo, sed mystica communione: Non est locali inclusione, adjun- ctione, complexione, aut sub vel companatione, aut ulla na- turali conjunctionis ratione, vel materiali adglutinatione.

53. Indigni edunt Corpus Christi, & non edunt, Medium. Vtrumq; dici potest. Edunt in medio & signo, pane, qui Communio Corporis Christi & ipsis esse debuit: Non edunt in sese, & substantia sui, quomodo mysticus cibus mentis & fidei est, qua impii carent, & sic rei Corporis fiunt, quod comedere debuerunt, & per incredulitatem, ac quod edendi organo careant, non comederunt. V. de esu Eucharist. C. I. 3. Symbola Eucharistica manu capienda, & etiam ore capi possunt, Medium. Vtrumq; capi possunt, & utrumq; id habere in sacris notat. Marc. 15. v. 23. Joh. 19. v. 30. Fractio panis in Coena est necessaria, & est adiaphora, Medium. fractio, hoc est, ad distributionem preparatio, est necessaria, sed tempus, locus, & modus fractionis indifferens est, an in ipso Coenae actu fiat, an ante eum jam panis fractus ac divisus sit, & sic ad Coenam adferatur. Potest ad exem- plum Christi frangentis adhiberi, sed praecepto iussa non est, Vt accipere, manducare, bibere, in commemorationem Chri- sti facere. Abstemiis Coena sub una specie ministran- da, & non ita ministranda, Medium, Rectius in totum abstinent, & intus spiritu ac fide in sui solatium manducant ac bibunt, Christi mortem cum aliis commemorant. Surdi, mu- ti, excommunicati, ad Coenam admittendi, & non admis- tendi,

tendi, Medium. Distinctis distinguendis utrumq; afferi potest, ut apud Castitas diffusè disquiri solet. Ægrotis domi Coena ministranda, & non ministranda, Medium. Vtrumq; certis circumstantiis dici potest. Ministranda extraordinariè, Cum domo per morbum exire, & publicis conventibus interesse non licet. Non ministranda ordinariè & perpetuò, cum cœtus frequentare, & in publico communione uti possunt. Sic enim Coena in publico frequentanda, non privato. Signa sunt fidelium, & sunt infidelium, 1. Cor. 14. v. 22. Medium, Vtrorumq; sunt. Fidelium pro confirmandâ fide, Iudic. 6. v. 17. 2. Reg. 20. v. 1. Infidelium pro generandâ fide, aut cum ex merâ malitiâ signa petunt, Vt Pharisæi, Matth. 12. v. 38. C. 16. v. 1.

54 In Locis de novissimis, ut morte, resurrectione, seculi consummatione, extremo iudicio, vitâ & morte æternâ excessus ac media è sequentibus observationes habeant. Orandum pro mortuis, & non Orandum, Medium, Distinguendum id orandum est. Orandum, non propriè & rigide, quasi suffragiis vivorum juvari illi, aut è loco medio liberari queant, beatis enim benè est, & oratione opus non habent, damnatis malè, & liberari à tormentis nequeunt: Sed impropriè & largius, vovenda illis felix resurrectio, solida quies, læta reductio, beata in cœtum cœlestium aggregatio, commonefactio de eorum excessu, virtutibus, gestis, instituenda, & benè actorum memoria ac imitatio occupanda. V. de commun. Sanctor. C. 6. t. 14. Sancti demortui à vivis invocari possunt, & non possunt, Medium, distinguendum invocare est. Propriè pro auxilium eorum implorare, ut velut largitores bonorum aut intercessores apud Deum compellantur, non: Sed impropriè, pro nostrum affectum

eorum

eorum affectu
liantur Ecce
ter cum illis
simos Patres
fidei, t. 24
sunt susci
pro diversis
memorie,
sunt super
bibeatur, &
dam inde d
sus Sancto
impetratio
55.
non sciunt
nerali ac
runt: Non
angustias,
hoc enim or
sua in his re
benè esse v
duo, cuius v
Canonisat
sunt, si C
statuere, qu
in ipsos coll
commemora
aliis propon
vas aut sup
vocare, ter

eorum affectui conformare, representare, jungere, ut qui militantis Ecclesie membra hic fuimus, ibi triumphantis consortes cum illis esse desideremus & indicemus. Et hoc Vetusissimos Patres invocatione voluisse existimo. Ut de corrupte fidei, t. 24. dicam. Peregrinationes ad sepulcra Sanctorum sunt suscipiendæ, & non suscipiendæ, Medium, Vtrumq; pro diverso fine dici potest. Sunt, historie, informationis, memorie, & cognitionis ac prudentie alicujus gratia: Non sunt superstitioso fine, quasi cultus religiosus per id DEO exhibeatur, homo apud DEVM gratior evadat, meritum quoddam inde deducatur, pro peccatis satisfactio aliqua aut religiosus Sanctorum cultus inde exstruatur, vel peculiaris gratie impetratio expectetur, vel simile quid hic involvatur.

55. Animæ separatæ sciunt res hujus mundi, & non sciunt, Medium, Vtrumq; dici potest. Sciunt in generali ac confuso, & que propria experientia edoctæ fuerunt: Non sciunt in particulari ac distincto hujus aut illius angustias, preces, invocationes, desideria, & similia, Ad hoc enim omniscientia opus est. Generatim etiam pro Ecclesia in his terris orant, successus ejus DEO commendant, ipsi bene esse vovent: Sed non speciatim pro hoc aut illo individuo, cujus res in particulari ignorant. Sancti defuncti sunt Canonisandi, & non sunt, Medium, Vtrumq; dici potest. Sunt, si Canonisare sumas pro exemplo virtutum variarum statuere, quod inspicias & exprimas, t. 54. DEVM ob dona in ipsos collata glorificare, eminentes eorum virtutes publice commemorare, vitam, victoriam, mortem, ad imitandum aliis proponere. Non sunt, si superstitiosos ritus illi invocas aut superstruas, Ut in precibus Ecclesie publice eos invocare, templa, imagines, aras, statuas, ipsis dicare, cereos

incendere, sacrificia illorum honori offerre, ad honorandum servare ac ostentare, qualem Canonisationem Scriptura & prima N. T. antiquitas totaliter ignorat. Animæ separatae usq; ad resurrectionem dormiunt, & non dormiunt, sed agunt, Medium, Utrumq; dici potest. Dormiant, hoc est, a laboribus suis hujus vitæ quiescunt, Apoc. 14. v. 13. Non amplius ita distrahantur in hoc seculo, Vt Corporibus junctæ: Non dormiunt, hoc est, somno sine ullo opere attinentur, sed jugiter DEVM celebrant, ejus judicia implorant, de militante Ecclesiâ cogitant, Apoc. 4. 5. 6. 7. II. 19.

56. Resurrectio mortuorum etiam ex Naturâ probari potest, & non inde probari potest, Medium, Utrumq; dicitur. Potest, sed obscure, remotè, obiter, imperfectè, & probabiliter. Non potest plenè, accuratè, clarè, & apodicticè, ut è Scripturâ. V. de Notit. natural. C. 3. t. 17. Conf. t. 6. Eadem à merito Christi dependet, & à justitiâ DEI dependet, Medium, ab utroq; dependet. A merito Christi, ut resurrectio in genere & in vitam revocatio est, 1. Cor. 15. v. 22. 23. A justitiâ DEI, quâ resurrectio ad judicium & damnationem præcisè est, Joh. 5. v. 29. At 17. v. 31. Corpus hominis resurget, & non resurget, Medium, utrumq; dici potest. Resurget quâ substantiam & esse, non resurget quâ statum, qualitates, & terrenam conditionem. Non enim mortale, corruptibile, fragile, vile, & inglorium, quotidianis mutationibus naturalibus obnoxium, resurget, sed immortale, gloriosum, incorruptibile, 1. Cor. 15. Spirituale erit in conditione, non spiritus in substantia ratione. Et venter destruetur, 1. Cor. 6. v. 13. Quia coquendis cibis amplius non serviet, non quod substantiâ sui non permanens sit. Sic hæc Caro resurget, & prorsus
alia

alia resur
suo beneplac
cumstantias
tiam, alia q
hoc incorrup
urrectio n
dum, Vt
& a pecca
proprio, ac
Mundus su
qualitatibus
liquet, &
habet, unde
eoveus in
pend. My
art. fid. t. 2
noviss. t. 1
is inter h
do, t. 9. Et
77. I
& elementar
sati firmiter
lique. t. 9.
& non judica
dici potest.
tu & statu gl
non judicat in
ad judicand
dus anno 1
dum, Toru

aliarefur : Medium, Caro resurget, sed qualem DEVS pro suo beneplacito aptabit, 1. Cor. 15. v. 38. Cujus omnes Circumstantias nos explicare non possumus. Hæc quæ substantiam, alia quæ qualitates in substantiâ. Corruptibile enim hoc incorruptionem induere oportet, 1. Cor. 15. v. 53. Resurrectio mortuorum jam facta, & demum fiet, Medium, Vtrumq; verum. Resurrectio spiritualis, prima, & à peccato, jam facta: Corporalis, secunda, in Corpore proprio, ac universatis omnium in novissimo die demum fiet. Mundus substantiâ sui in novissimo die interibit, & qualitatibus tantum immutabitur, Medium, totum hoc non liquet, & utraq; sententia rationes ac fautores bene multos habet, unde multi in dubio sententiam relinquunt, Vt Chlitoheus in L. 2. Damasc. C. 6. Heerbrandus in Compend. Mylius in art. 17. Au. Con. Hutterus d. 22. d. art. fid. t. 28. Lobechius in art. 19. A. C. Schilterus de noviss. t. 16. Et Meisnerus p. 1. Ph. Sob. f. 3. C. 3. 70. ἐπεὶ hic tutissimum esse ait. Conf. de non liquendo, t. 9. Et alibi.

97. Ignis mundum combusturus culinaris erit, & elementaris erit, Medium, Totum hoc non liquet, & satis firmiter constitui ab homine non potest. V. d. non lique. t. 9. Christus in novissimo die omnia judicabit, & non judicat quenquam, Joh. 8. v. 15. Medium, Vtrumq; dici potest. Omnia judicabit in secundo ad judicium adventu & statu gloriæ, Joh. 5. v. 22. 27. Actor. 17. v. 31. Et non judicat in primo adventu & humiliatiōis statu, ubi non ad judicandum, sed salvandum venit, Joh. 3. v. 17. Mundus anno 1670. interibit, & non tum interibit, Medium, Totum hoc homini ignotum, & inter arcana DEI repositum.

repositum est, Matth. 24. v. 36. Marc. 13. v. 32. Mundus per 6000. annos durabit, & non durabit, Medium, & hoc incognitum est, ac ab homine dici non potest. Infernus in hoc aspectabili mundo est, & extra illum est, Medium, & hoc homini determinari non potest, Job. 38. v. 17. Satiūq; sic vivitur, ut nunquam, ubi sit, deprehendatur, quā de loco ejus nimis curiosè disceptatur. V. d. non. Liqu. t. 9. Est in centro terræ, & non est, Medium, & hoc ignotum est. Inferni ignis propriè dictus erit, & tropicus erit, Medium, Vterq; erit. Partim angor & horror, Matth. 22. v. 13. Rom. 2. v. 9. Apoc. 14. v. 10. 11. Partim verus ignis, Esa. 66. v. 24. Marc. 9. v. 44. 46. Matth. 25. v. 41. Item elementaris erit, & culinaris, Medium, & hoc incognitum est. Cujusmodi ignis infernalis sit, hominem arbitror scire neminem, nisi fortè, cui spiritus divinus ostendit, ait Augustinus L. 20. d. Civ. DEI, C. 16. Et L. 4. Esdræ C. 9. v. 13. dicitur: Noli curiosus esse, quomodo impii cruciabuntur?

58. Medius locus inter coelum & infernum datur, & non datur, Medium, Hoc ad fidem Christianam nihil pertinet, siue detur, siue non detur: Quæ in Cælo & inferno ut duabus viis apertè & sufficienter à Scripturâ propositi satis habet, ultiores non inquit. Coelum beatorum est supra aspectabiles coelos siderios, & non est ibi, Medium, alicubi est, non nullibi, & à terrâ velut scabello distinctum est. Esa. 66. v. 1. Actor. 7. v. 49. Sed ubi præcisè & in specie sit, nemo mortalium dicere potest. Coelum DEI est idem cum coelo beatorum, & ab eo diversum est, Medium, Vtrumq; est. Vt p̄ & spatium quoddam, quod velut sedes DEI ac beatorum est, ubi se DEV. glorios

gloriosè beatorum
conditionem n
lucem inaccessi
bitur, Esa. 5
tur. Coelo
Medium, Di
rinentur, si a
& status inore
19. v. 18. Re
clust: Non,
sit, & status
num ejctus, 2
Esti extraordin
pussi. i. Reg.
ta penetrare
dium, Torum
quæ detes & qu
trina dimensio
siderum pener
phus dubium
potest, Anim
& in omnibus es
quibusdam igno
Scholasticis &
t. 13. monitum
59. Gra
& non erant,
dum in gloriâ ac
tudum, ut fle
Et beatitudine
glorios

Exercitatio.

71

gloriosè beatis conspiciendum exhibeat, idem: Ut statum & conditionem notat, diversum esse potest. Sic enim DEVS lucem inaccessam, 1. Tim. 6. v. 16. Et aternitatem inhabitat, Esa. 57. v. 15. Qualiter sedes beatorum non describitur. Coelo DEI & Diaboli continentur, & non contrarium Medium, Distinctis distinguendis utrumq; dici potest. Continentur, si cælo omnipotens DEI ac gloriosum regnum, & status noetur, Dan. 4. v. 26. Matth. 21. v. 22. Luc. 15. v. 18. Regimine enim DEI & Diaboli contenti, non exclusi: Non, si sedes beatorum aut gaudium, felicitas cælestis, & status beatitudinis. Ex hac enim Sathanas in æternum eiectus, 2. Petr. 2. v. 4. Judæ v. 6. Apoc. 12. v. 9. Et si extraordinariè se bonis angelis in cælo quandoq; sociare possit, 1. Reg. 22. v. 22. Iob. 1. v. 6. Corpora glorificata penetrare possunt non gloriosa, & non possunt Medium, Totum hoc non liquere potest. Erunt spiritualia, quæ dotes & qualitates: substantiæ tamen materiata, quantæ, & inâ dimensione præditæ ratione corpulentie, cum quo an solidorum penetratio consistat, ingens adhuc penes Philosophus dubium est, & ab utraq; parte quesitum disceprari potest. Animæ beatæ status in omnibus est notus, & in omnibus est incognitus, Medium, In quibusdam notus, in quibusdam ignotus, eoq; non omnia nimis curiosè ac feliciter cum Scholasticis & Rabbiniis his exquirèda. Ut d. 5. Curs. Phil. 1. 13. monitum. Generalia interdum patent, specialia latent.

59. Gradus gloriæ diversi in vitâ æternâ erunt, & non erunt, Medium, Vtrumq; dici potest. Erunt gradus in gloriâ accidentali, hoc est, fulgore & claritate beatitudinis, ut stella stellam fulgore superat, 1. Cor. 15. v. 41. Et beatitudine formali ejusq; consequentibus, variis animæ & corporis

De medio religioso

corporis ornamentis ultra beatam DEI visionem electis conferendis: Non erunt in essentiali, hoc est, ipsam beatitudinem & beatam DEI ad faciem visione, vel beatitudine objectivam, hoc est, DEO viso, qui omnibus idem erit, Omnesque electi pariter beati erunt, & aequaliter DEVM de facie ad faciem videbunt. Vna enim vita aeterna, unumque essentialiter premium, beata DEI intuitio, omnibus credentibus in Scripturam promittitur, Luc. 20. v. 30. 1. Cor. 15. v. 28. 1. Ioh. 3. v. 2. Secus ac quidam Pontificiorum volunt, qui alios aliis beatiore fore ajunt, Vt Becanus p. 1. Th. Sch. C. 9. q. 9. Valentia T. 1. Th. Sch. d. 4. p. 235. aliique: Omnibus una salus sanctis, sed gloria dispar. Beati in altera vita linguam Hebraeam DEVM laudabunt, & omnibus linguis laudabunt, Medium, eminentiore & singulari aliquam, supra communes Orbis linguas exsertam, linguam DEVM laudabunt, quae velut angelica erit, 1. Cor. 13. v. 1. Labium purum, Sophon. 3. v. 9. Et in hoc Orbe usitata linguae abolebuntur, 1. Cor. 13. v. 8. Beati erunt in loco, & non erunt, Medium, Vtrumque dicitur. Erunt in loco Metaphysico, hoc est, certo ubi & spatio moli ac dimensionis suae proportionato, non nullibi, aut ubique in spatiis infinitis: Non erunt in Physico & tali, qualis sublunaribus competit, saepe ab *ἑνὶ δὲ τόπῳ*, Vt ex Aristot. 2. d. Coel. C. 4. Aut 4. d. Coel. C. 3. allegare quidam solent, Vt 1. 4. d. Eff. alic. t. 15. adduxi, (Quamquam nihil eorum c. 1. apud Arist. reperio.) Vbi locus conservare, sustinere, & fovere locatum debet. Quod in beati in altera vita non necessum, quibus DEVS omnia in omnibus erit, 1. Cor. 15. v. 28. A quo conservationem, beatam possessionem, & omnia in solidum habebunt.

60. Beati se in instanti medio non pertransire
movere

movere
um, Torum
Qui motus
audio, quod
plius. Ang
Beati autem
jus aliquid
hic non faci
elementa,
Manebunt qu
corpora, & s
milia, compo
net, pugnas
sister impu
meritum diff
sio perfectiss
mansit, infer
rola erunt,
Ponderosa eru
nem, quae Cor
tur, V. d. 7.
ad impeditio
dita erunt, qu
in multis impe
sui expedire
erit. Sic pon
ius aquis inat
Corpora illi a
sentiam DE
bunt, Medi
elevatis & a

movere poterunt, & non ita se movere poterunt, Medi-
 um, Totum non liquet. Augustinus 22.d. Civ. Dei. C. 30.
 Qui motus talium corporum sint futuri, temerè definire non
 audio, quod excogitare non valeo. Tempus ibi. non erit am-
 pliùs. Angeli in instanti moveri possunt, V. Michael: t. 42.
 Beati autem ἱεράγγελοι erunt, Luc. 20. v. 36. Vnde & hu-
 jus aliquid hinc deduci queat. Quauquam solidè & immorè
 hic non facilè aliquid affirmetur. In beatis manebunt 4.
 elementa, & non manebunt, Medium, Vtrumq; dici potest.
 Manebunt quantum ad substantiam & existentiam, Mista enim
 corpora, & sic ex elementis perfectà crasi & harmonià com-
 misistis, composita erunt. Non manebunt quantum ad operatio-
 nes, pugnas, alterationes, quibus se mutuò invadere ac ho-
 stiliter impugnare, subjecta infestare, & ad corruptiones ac
 interitum disponere solent. Sic in corpore Adami integri mi-
 stio perfectissima fuit, Vt corruptio ei, quamdiu integer
 mansit, inferri nequirit. Corpora glorificata ponde-
 rosa erunt, & non erunt, Medium, Vtrumq; dici potest.
 Ponderosa erunt, quantum ad esse & habitualement gravitatio-
 nem, quæ Corpori gravi essentialis est, Vt in Staticis doce-
 tur, V. d. 7. Curs. Philos. t. 7. 8. Non erunt, quantum
 ad impeditionem agilitatis, celeritatis, subtilitatis, quâ præ-
 dita erunt, quomodo jam in sublunaribus gravitas agilitatem
 in multis impedit, ut potentia motrix non ita celeriter actus
 suos expedire queat. Quod non in corporibus beatorum
 erit. Sic ponderositas in Corpore Christi non obstat, quò mi-
 nus aquis inambularet, Matth. 14. v. 25. Beatorum autem
 Corpora illi analogà erunt, Phil. 3. v. 21 Beati ipsam es-
 sentiam DEI oculis corporeis videbunt, & non vide-
 bunt, Medium, Vtrumq; dici potest. Videbunt oculis, sed
 elevatis, & ad videndum supernaturaliter exaltatis, Job. 19.

v. 26. 1. Cor. 13 v. 12. 1. Joh. 3 v. 2. Non videbunt, oculis in naturali statu relictis ac manentibus, sic enim nemo faciem Dei videre potest, Exod. 33. v. 20. 23. Coloss. 1. v. 15. Vel nihil horum certò & firmiter hic constitui potest, sed experientie futuri seculi questio hac reservanda est, ut modeste Augustinus ep. 111. ad Fortunat. Et L. 30. d. Civ. Dei, C. 29. Et Eucherius L. 4. Comm. in lib. Regum censuerunt.

61. Ita media inter extrema in religionis negotiis animadversa sint. Iam exempla quædam eorum pro clariore materia luce etiam à Philosophicis ac Historicis adducenda erunt. Sic, Omnia sciri possunt, & nihil sciri potest, extrema & falsa sunt. Medium, Quædam ab homine sciri possunt, quædam non. V. de non liqu. t. 20. 21. Omne ens est infinitum, & nullum est infinitum, extrema & falsa. Medium, Quoddam ens est infin. Quoddam non. Attributa entis sunt ipsum ens, & sunt realia ejus accidentia, Medium, Sunt affectiones transcendentales, realiter quidem ipsum ens, formaliter autem & distincto conceptu fundamentum in re habente, ejus affectiones, non prædicamentalia accidentia, quæ componunt, realiter differunt, & prædicamentally afficiunt. Omnis democratia utilissimus Reipubl. status est, & nulla Democratia utiliss. status, Medium, Quædam utiliss. status, Aristocratia nempe aliquâ temperata. Fœmineus sexus est præstantior virili, Vt Agrippa, Forciana quæstiones, Et planè non est humanus, ac mulieres non sunt homines, ut alii scurræ delirant, extrema & falsa. Medium, Mulieres verè homines, sed non præstantiores Viris, Verùm inferiores sunt. Philosophia in vero suo usu opus Carnis, inimicitia contra DEUM, sapientia animalis, Diabolica, damnata est, & opus Spiritus, Sapientia spiritualis & divina est,

extrema,
thematica, d
nis, nec spiri
62. On
dium, aut N
gire, latrare,
ini M. est v
commentum;
mentium est
qui Stephano
ben spectantia
Pacientis us
Carolus M.
cessi, Ludo
cunt suâ juris
diverſanea cum
fatto concessit.
toris Frideric
conditiones inen
gelli calcatione
spensavit eu
rem ducendi
Bellarmin
cum suâ germa
re conjugium
re, quia confun
sunt divites,
quidam sunt t
Et de Oppos
63. Unio
um, Vtrumq

extrema. Medium, Scientia Naturæ est. Vt Physica, Mathematica, Medicina, Iurisprudentia. Ex se & in se nec carnis, nec spiritus opus. V. de Notit. natur. C. 3. t. 3.

62. Omne opus aut est Carnis, aut spiritus, Medium, aut Naturæ, ut videre, audire, moveri, canere, rugire, latrare, mugire, hincire. V. c. l. Donatio Constantini M. est verissima historia, & est merum hominum commentum; Medium, aliquid de eâ verum, aliquid commentitium est. De Pipino Caroli M. Patre aliquid hic est, qui Stephano II. Papæ Exarchatum Ravennæ & alia ad Urbem spectantia, & quicquid inter Padum & Apenninum à Placentinis usq; ad stagna Venetorum interiacet, donavit, & Carolus M. Pipini filius plurimas regiones Hadriano I. concessit, Ludovicus etiam Caroli filius Civitatem Romanæ cum suâ jurisdictione, maritima Hetruria, & quadam mediterranea cum Ravennæ Exarchatu juramento Papæ Paschalii factò concessit. Alexander III. calcavit collum Imperatoris Friderici II. Venetiis. & non calca. Medium, Ad duras condiciones ineundas Imperatorem per filium captum adegit. De colli calcatione multi Historici nihil habent. Martinus V. dispensavit cum quodam in sorore suâ germanâ in uxorem ducendâ, & non dispensavit, sed mendacium hoc est, ut Bellarminus L. 1. d. matrim. C. 25. ait, Medium, Non cum suâ germanâ propriâ, sed qui contraxerat & consummaverat conjugium cum illius germanâ, quam antea fornicariè cognoverat, quia consummata omnia fuerunt, dispens. Omnes homines sunt divites, docti, liberi, & nulli sunt tales, Medium, quidam sunt tales, quidam non. V. de Contradict. l. 1. t. 53. Et de Oppositione, l. 1. t. 45. 115.


63. Unica in homine est anima, & tres sunt. Medium, Vtrumq; certo sensu dici potest. Unica est totaliter &

76 De medio religioso Exercitatio.


adequatè concepta, rationalis, quæ sensitivam & vegetantem virtute sui comprehendit. Tres sunt, animam humanam partialiter & inadequatè secundum hunc aut illum vitæ gradum concipiendo, Vt quatenus vitam dat, vegetans, quæ sensum & motum, sentiens, quæ intellectû & rationem, rationalis dicatur. Totum differt à partibus simul sumptis & unitis, & non differt, Medium, Vtrumq; dici potest. Differt ratione & prædicandi quibusdam modis, Non differt realiter & essentialiter, quasi totum nova aliqua & separata essentia esset, quam omnes partes junctæ & unitæ. Anima humana foetui à Deo creando infunditur, & à parentibus in sobolem propagando traducitur, Medium, totum hoc non liquet, & in ex. hic tutissimum. V. Dec. 2. Misc. d. 3. & 4. Anima humana à Patre propagatur, & à matre, Medium, ab utroq;. Generatio utriusq; sexus conjunctim est apotelesma, neutrius seorsim. V. c. l. d. 4. t. 14. 15. Symbolum maris & fœminæ simul hic, totum autem à neutro proficiscitur, Vt Empedocles dixit ap. Aristotel. 1. d. gen. anim. C. 18. Vel, Neutrum hic dici potest Venena nutrire possunt, & non possunt, Medium, Vtrumq; dici potest. Nutrire possunt, ubi scil. à forti temperament. superari, & in succum aliquem à calore Naturæ verti possunt ac in raris extraordinariisq; subjectis. Sic sturni cicutâ nutriuntur, & coturnices veratro, puella aliqua Indica veneno nutrita, aliq; venena innoxie assumpserunt, Vt Dec. 2. Misc. d. 7. t. 20. monitum. Non possunt, si scil. ab imbecilli temperi superari & mutari nequeant, & in ordinariis subjectis, ac communi vivendi modo, Vbi venena interimunt, non nutriunt. Plurima his similia adduci è campis Philos. possunt, si id destinatur aut necessum foret. Et hæc de medio religioso CUM DEC hac vice disceptata esse, sufficiat.


GLORIA IN EXCELSIS DEO.

•••••









Biblioteka Jagiellońska



stdr0019290

